

AD CATHOLICUM ÆQUUMQUE
LECTOREM
EPISTOLA
Eminentissimi & Reverendissimi Domini
CARDIN. QUIRINI
CUM EJUDEM ANIMADVERSIONIBUS
In Epistolam
Jo. GEORGII SCHELHORNII.

(III.)
CATHOLICO ÆQUOQUE
LECTORI

A. M. CARD. QUIRINUS
S. R. E. Bibliothecarius, & Episcopus Brixien.



Uidnam causæ sit, cur quatuor tantum ab hinc mensibus certamine defunctus cum Jo. Rudolpho Kieslingio ; Lipsiensis Universitatis Professore, arma in præsens iterum capiam adversus Jo. Georgium Schelhornium , Memmingensem Bibliothecarium , ex literarum , quas iste typis excusas ad me nuperrime dedit, exordio luculenter edisces. Illam siquidem fuisse intelliges , quod adductus fuerit ad existimandum, grave mihi esse manum ab ipso subductam fuisse a pertexenda coeptarum inter nos disputationum tela , quamvis ego in singulis fere meis lucubrationibus, Cardinali Polo, ac Paulo III. Pontifici vindicando destinatis, eundem vellicare pergerem usque adeo, ut prælo etiam vulgare non dubitaverim sententiam ex Athenæo Sangermanensi prolatam, scilicet, Animadversionibus meis primo Editionis Epistolarum Reginaldi Poli Volumini præfixis Schelhornium veluti fulmine percussum , ac in pulverem plane contritum esse. Itaque meæ illæ iteratæ provocationes hominem istum admodum eruditum, quod nemo inficiabitur,

(IV.)

tur , partæque suis studiis existimationis conservandæ haud injuria sollicitum, pertraxerunt ad scriptum aliquod in publicam lucem edendum, unde omnes, quorum ad aures earundem disceptationum fama pervenisset, certo cognoscerent, *Schelbornium adhuc* (hæc ejusdem sunt verba) *per Dei gratiam spirare, ac valere.*

Hujuscemodi propositum Schelhornii animo infedisse, nemo profecto mirabitur; at magna admiratione dignum reputari debet, in illo exequendo eam primum ab ipso rationem initam fuisse, quæ, binis illis argumentis omissis, contentionis funem ad aliud quodpiam deflecteret, in quo triumpharet licet, ne hilum quidem seu Cardinalis Poli, seu Pauli III. vindiciæ a me susceptæ periclitarentur. Impetere enim aggressus est Paulum IV. quod sanctissimum Novemvirale Consilium de emendanda Ecclesia veritorum librorum catalogo indere non fuisse veritum censuerit. Id agens Adversarius, ne se contritum in pulverem fuisse demonstraret, pulveris nebulam excitavit, non quidem ad obscurandum duum illorum luminum jubar, sed ad ejus famam frædandam, quem tenebras iisdem calculo illo suo damnatorio offudisse contendit. Hoc utique si verum foret, Paulum videlicet IV. justam invidiam promereri, quod Consilium illud carbone notaverit, quis non videt, eam criminationem potius ad decus Pauli III. cujus auspiciis, & Cardinalis Poli, cujus præsertim opera confectum ipsum fuit, pertinere, dum

dum tamen quisque expectasset, a Schelhornio in eos ipsos impetum fieri, statim ac se ille ad pugnam adversus me instaurandam comparavit? Inversa hæc præliandi ratio hæud quaquam tamen efficiet, ut manus rursus cum eodem conferere refugiam, eoque magis quod ad amoliendam labem illam Pauli IV. nomini inustam hæud pauca in meis illis Animadversionibus, & alibi etiam attulerim, parergi tamen loco, nec enim ad illarum disputationum caput illa spectabant. Ostendendum igitur suscipiam, Schelhornium irritum conatu pulverem turbinem recens glomerasse, quo cælum ipsum, si fieri possit, involvat. Equidem cælum atra caligine prætexere censendus est, qui ejus Pontificis ingenio, cujus Apostolica in vitiis castigandis severitas vel nullos, vel paucos omnino superiores, Historicorum omnium judicio, nacta est inter beati Petri successores, *vitia potius tegendi, quam emendandi* studium accommodat.

Schelhornius, ut hac etiam in re ingenio suo velificetur, ex inferis suscitatur putidissimam Petri Pauli Vergerii, Orthodoxæ religionis desertoris, calumniam, qua Paulo IV. maculam, de qua agitur, inspersit in Annotationib. in Ind. Libror. prohibitor. ejus Pontificis jussu evulgatum, fuorumque Operum adversus Papatum T. I. insitit. Ibi enim his verbis inter cætera debacchatur: *Cum ergo Paulus IV. sensisset, sibi ac suæ Romanæ Synagogæ inflicta esse, ac infligi cotidie ex isto libello vulnera non levia,*
pro-

(VI.)

propter liberiores scilicet illas, quas recitavi, voces, & confessiones, hunc quoque libellum, si Deo placet, projecit nunc inter eos, quos velit a nemine legi, hoc est inter hæreticos. Sed quod caput est, & pluris quam omnia, ipsemet Paulus IV. fuit unus ex præcipuis, qui concinnarunt, & dictarunt libellum. Quis non stomachetur? quis non borrescat? Stomachentur, & horrescant, oportet, effrænem hanc maledicendi libidinem, quotquot noverint nec Sleidanum, nec Sarpium, seu hujus interpretem, & vindicem Curayerum, nec Seckendorffium Lutheranz historiæ promum condum celebratissimum, vel unum verbum de ea per Romanum ullum Pontificem condemnatione fecisse, etsi iidem de libello illo enucleate edisserere susceperint, animoque, ut ubique, erga Romanorum Pontificum gesta, ac præsertim erga Indicem librorum ab ipsis prohibitorum maximopere infenso. Quæ demum insolentia est, calumniam, quam densis tenebris primipili illi infectandæ Pontificiæ potestatis studiosissimi addixerunt, ceu rem omnino compertam hac tempestate venditari? Ad causæ suæ patrociniū adsciscit Schelhornius Richerium, & Launojum, hosque ingentibus laudibus concelebrat, qui tamen, haud minus quam superius memorati Scriptores, longissime abfuerunt a condemnatione, de qua hic agitur, seu Paulo IV. seu ipsi Romano Indici exprobranda. Quid vero? quum Possevinus, & quotquot ex Nostris conquesti fuerunt, libellum eundem in Con-
ci-

(VII.)

ciliorum Editionibus, excepta Crabbiana, desiderari, sua hac querimonia luculenter demonstraverint, nil prorsus ipsis suboluisse de eo damnatorio iudicio; hujus enim vel sola suspicio obstitisset, ne quidquam adversus omissionem illam obmurmurarent. Denique neminem adhuc puto inter Catholicos Auctores extitisse, cui propositum fuerit ab ea contumelia Paulum IV. vindicare, idque ea certe de causa, quod bucinatum a Vergerio commentum ab heterodoxis ipsis despectui haberi deprehenderint. In censum horum omnium, quos nominavi, ac Sleidani potissimum, Sarprii, & Seckendorffii, par erat, ut Schelhornius veniret, non vero calculum adjungeret tribus illis, aut quatuor Scriptoribus, quos post vulgatas Animadversiones illas meas Vergerianæ fabulæ sectatores a se detegi, & in lucem proferri potuisse, pœana quodammodo canit, eorundem ignorationem mihi vitio vertens. At vitium istud potius impropere debuisset suis illis ducibus, qui carpendorum Romanorum Pontificum provinciam administrantes, ne verbo quidem, ut dixi, facinus illud Pauli IV. indicarunt. Eisdem tamen, nec Vergerii Opera ante oculos suos habuisse, nec pervulgatam ab ipso in Romanum Pontificem contumeliam suis auribus percepisse, nec tandem manibus suis contrectasse ejus Pontificis Indicem, qui paucis adeo pagellis constat, ut intra horæ quadrantem legi, & relegi integer valeat, vix sibi quisquam persuadeat. Tantus hic stupor ne Seckendor-

dor-

(VIII.)

dorsio tribui valeat , ipsemet obstitit memorans p. 601. ad an. 1546. Vergerii Scripta a se lustrata, disertamque mentionem faciens Annotationum ejusdem in Indicem Pauli IV. Demum, ut de aliis sileam, Jo: Rudolphus Kieslingius in Epistola, cui publice respondi, causas omnes venatus libelli de Emendanda Ecclesia sugillandi, nonne obvias habebat Schelhornii Amœnitates literarias? Cur igitur & ipse accusationem, de qua agitur, silentio suppressit? Eam certe telum imbellè sine ictu reputavit.

Hucusque breviter exposita summam efficiunt eorum, quæ in Animadversionibus meis ad Schelhornii Epistolam digesta statim oculis tuis subjiciam. Unum tantum addam, eam Epistolam a capite ad calcem adversari Joanni Launojo, quem tamen Schelhornius, ut suo loco constabit, adeo *egregium, & luculentum veritatis testem adversum Pontificios* deprædicat, ut cum Dupinio affirmer, eundem *non nisi illos posse inimicos habere, qui præconceptas opiniones suas veritati præferunt*. Atqui de Consilio Novemvirali Doctor ille Parisiensis ita loquitur in Epistola, quam ex mea Diatriba allegat ipse Schelhornius: *Paulus III. non ingratum habuit, nec improbarvit Jo. Petrus Caraffa Card. T' beatinus, postquam Romanus Pontifex nomine Paulus IV. evasit, nec pervulgatus librorum prohibitorum Index confixis*. Quid ergo superest, nisi ut Adversarium, antequam collato pede ipsum adoriar, hisce verbis compellem, *Patere legem, quam ipse tulisti?*

EMI-

1

EMINENTISSIMO AC REVERENDISSIMO PRINCIPI
ANGELO MARIE CARD. QUIRINO
VATICANÆ BIBLIOTHECÆ PRÆFECTO
ATQUE PROTECTORI AMPLISSIMO
EPISCOPO BRIXIENSI

JO. GEORGIUS SCHELHORNII

Veram & perennem Felicitatem.

I. **S** meo mihi licuisset uti arbitrio, Purpuratorum Romanæ Ecclesiæ Patrum EMINENTISSIMÆ, hanc, quam publice ad Te scribo, epistolam jam non legeres. Cum animo enim statutum deliberatumque habebam, postquam Tuo jussu repetita vice in disputationem Tecum ingressus essem, omne deinceps certamen detrectare: idque illis in Literis, quas cum animadversionibus Tuis, varia doctrina plenis, alteri Epistolarum Card. Poli tomo præfigere dignatus es, aperte indicaveram. Repugnabat scilicet mens mea Tibi devotissima, Tecum, cujus laudibus omnis facundia minor est, in arenam amplius descendere, verebarque, &c. pag. 3. 4. 5. 6.

ANIMADVERSIO.

Prologo isti quæ reponenda forent in Præfationem meam conjeci, ad quam proinde amandari, Lector, te finas. Unice vero adnotabo, sat bene inter se convenire (quod nullo modo intelligi posse arbitratur Schelhornius) Protestantes eruditos a me sæpius sollicitatos fuisse, ac modo etiam urgeri, ut ex Bibliothecarum suarum armariis probatæ fidei monumenta, si quæ ibi insint, immortalibus Pauli III. laudibus adversantia, libere, & audacter

B

de-

depromant, meam hanc, inquam, efflagitationem
 sat bene convenire cum eo rogatu, quo in Dedi-
 catione Vitæ Card. Gasp. Contareni excitandum
 duxi præclarissimum Gurcensem Antislitem, mei-
 que amicissimum, Josephum de Thuun, *ad coer-
 cendos Sectarios, quibus nimis misere jam abundat
 Germania, ut ab infestatione nominis Pauli III. ba-
 tetenus iniquissime facta desistant.* Hujusmodi coer-
 citio annon justa de causa postuletur, siquidem
 iidem post indubiæ etiam fidei documenta a me
 primum in medium allata ad vindicandam ejus
 Pontificis famam, hanc vexare pergant, veteres
 tantum cantilenas, meras proinde contumelias
 obganniendo? Nonne Reip. expedit, ne improbo-
 rum obtrektorum procacitas fas sibi esse putet,
 Supremorum etiam Principum capitibus insultare?
 Dejectus a ducentis, & amplius annis per
 summam injuriam, nulla scilicet publica auctori-
 tate, sed tantummodo factiosorum hominum pro-
 rervia, Romanus Pontifex ab eo Primatu, quem
 in universam Christi Ecclesiam gerebat, eam ta-
 men adhuc inter terrarum Rectores dignitatem,
 potestatemque obtinet, ut nulla ratione ferri posse
 videatur, eosdem homines, priscis opprobriis re-
 cantatis, ejus majestatis proscindendæ nullum fi-
 nem facere. Itaque Præsulem illum, Catholicæ
 Fidei mire studiosum, iterum exoro, ut omnem
 navare velit operam *a costringere i Settarij, de' quali
 pur troppo miseramente abbonda la Germania, di de-
 si-*

sistere dalla persecuzione ingiustissimamente fin ora fatta al nome di Paolo III. imo profiteor, scelestis hujusmodi ausibus fratrum tandem injici ad cunjunctis politicæ potestatis officium spectare seu ex orthodoxæ Religionis zelo, seu ex æqui, honestique legibus, quibus jubemur, *Quod tibi non vis fieri, alteri ne feceris*, ac propterea nec etiam alteri fieri patiaris.

II. Patere autem, DOMINE, ut ante omnia, ne andabarum more pugnare videar, quod alicubi præter meam culpam vitio mihi dedisti, hac de re ipsa verba TUA in gratiam aliorum lectorum recitem, cum insignis illa Epistolarum Reginaldi Poli, Cardinalis Britanni, collectio maxime laudabili studio Tuo in dias luminis auras feliciter emitti coepta, nuspiam apud nos venum proster, nec ullo pretio ex ipsa Italia a nostris impetrari queat. Hujusce enim velitationis nostræ literariæ testes præcipue ac iudices, libero ejusmodi scriptionibus in Italiam vestram aditu fere intercluso, esse cupio Viros doctrinæ, ac virtutum laude florentes e Germanis, quorum ubere proventu ætas nostra per Dei gratiam gaudet.

Si igitur placet, recognosce TUA verba ita fluentia: „*De*
„*eo Consilio dum agerem in Diatriba Cap. V. jam novam &c.*

Locus ad quem sub initium provocas non in Cap. V. sed Sexto, eoque ultimo Diatribæ tuæ doctissimæ p. 367. seqq. extat, e quo hæc tantum decerpere nostra refert: „*Indicatur his verbis* (Beccatelli scilicet, ac Dudithii in vita Card. Poli) *celebre illud Consilium, quod anno 1538.*
„*Roma divulgatum typis Antonii Bladi &c.*

Meministi quoque hujus consilii in Diatriba secundæ Epistolarum Poli parti præmissa, §. VIII. p. CXC. sq. tandemque in libri Tui de Gestis Pauli III. Farnesii primo ejus Pontificatus quinquennio Cap. IV. p. 58. sq. hæc habes: „*Quodnam judicium ferendum sit de libello, quem hoc*

titulo pranotatum, Consilium delectorum Cardinalium de emendanda Ecclesia &c., pag. 7. 8. 9. 10. 11.

Cardo itaque rei, inter nos transigendæ, in eo maxime vertitur, num novemvirale illud Consilium, tantis abs Te laudibus cumularum, ac jubente Paulo III. conscriptum, in librorum prohibitorum syllabum sit relatum a Paulo IV. qui tamen, cum adhuc Jo. Petrus Caraffa Cardinalis Theatinus esset, ipse unus ex præcipuis fuit ad illam de emendanda Ecclesia deliberationem adhibitis. Tu, REVERENDISSIME PRÆSUL, id in dubium vocas, omni studio efficere conatus, ut proscripio, quam revera in Romano Indice legi haud diffiteris, cadere potius in Consilii ejusdem explicationes, sive ab Heterodoxis, quo nomine Jo. Sturmium designas, sive a vestris evulgaras, quam in ipsum Consilium censeatur. Mihi vero certum & extra omnem dubitationis aleam positum videtur, non Sturinii tantum epistolam, aliorumque explicationes atro in Indice Pauli IV. ac cæteris eum secutis carbone notari, verum ipsum etiam illud de emendanda Ecclesia Consilium.

Sed agedum, liceat mihi jam prius, pace Tua, modeste excutere rationes, quibus aliquam verisimilitudinis speciem opinioni Tue ingeniose conciliare studes, ac deinde meam sententiam idoneis argumentis fulcire. Hoc enim pacto, uti spero, res, quæ Tibi maxime involuta & ænigmati similis in eruditissima Diatriba, alteri Epistolarum Poli Tomo præfixa, p. CXCI. videtur, in plenam lucem collocabitur, licet probe Oedipum me haud esse norim.

Verba eam censuram indicantia, scribis, qua non alia sunt, nisi, LIBER INSCRIPTUS DE EMENDANDA ECCLESIA, cur, aiebam ipse, accommodari non valeant Sturmii libello, in hunc modum, teste Nicéronio Memoir. T. XXIX. pranotato: CONSILIUM DELECTORUM CARDINALIUM DE EMENDANDA ECCLESIA, JOANNIS STURMII EPISTOLA DE EADEM RE?

Ad hæc respondeo. Verba eam censuram indicantia sunt sane alia. Non enim sic fluunt: LIBER INSCRIPTUS DE EMENDANDA ECCLESIA; sed potius LIBER INSCRIPTUS

CON-

CONSILIUM DE EMENDANDA ECCLESIA . Tres indicis , auspiciis Pauli IV. A. MDLIX. primum editi , editiones inter reculas meas cimeliorum instar adseruo , quarum duæ in Italia typis excusæ sunt , una Bononiæ eo ipso anno cura fratris Eustachii Lucatelli Inquisitoris Bonon. diserte eam in omnibus & per omnia conformem esse editioni sibi Roma ab universali officio Romanæ inquisitionis transmissæ testantis , quod & nominis sui subscriptione *Jo. Episcopus Bononiensis*. confirmat . Altera itidem in Italia , quod typi evincunt , in forma octuplici , sicuti prior , sine tamen loci & anni indicio lucem adspexit . Tertia debetur laudandæ industriæ Petri Pauli Vergerii , Episcopi quondam Justinopolitani , ac Pontificis Rom. in Germania Nuncii , tandem vero derelictis Papæ partibus evangelicæ veritatis confessoris , qui eam animadversionibus suis oppido memorabilibus lectuque dignissimis instructam Pforzheimii A. MDLX. in 8. publici juris fecit . In singulis his editionibus ita legitur : LIBER INSCRIPTUS CONSILIUM DE EMENDANDA ECCLESIA ; in nulla vero : LIBER INSCRIPTUS DE EMENDANDA ECCLESIA .

Niceronius , Vir diligentissimus , & longiori vita dignus , cujus commentarios biographicos jure magni æstimo , non plenum editionis Sturmii titulum exhibuit , sed his ille potius verbis absolvitur : *Consilium delectorum Cardinalium & aliorum Prælatorum de emendanda ecclesia. Epistola Joannis Sturmii de eadem re , ad Cardinales , ceterosque viros ad eam consultationem delectos . Argentor. 1538. in 4.* Exstat hæc editio rarissime obvia in Bibliotheca a Rudolpho Augusto , Duce Brunsvic ac Luneburg. litteratorumque , dum vitali frueretur aura , principe quondam collecta . (a)

Equis vero , sodes , jam sibi facile persuaderi sinat , in Indice Paulino & reliquis , ubi *Consilium de emendanda Ecclesia* diserte , nulla plane Sturmii mentione ibi habita , proscribitur , Sturmii duntaxat epistolam , vel etiam editionem-

(a) Teste Hermanno von der Hardt in tertio tomo operis , quod *Autographa Lutheri & Coetatorum* inscripfit . p. 279.

nem tantum illius Consilii, epistola annexa, sub examen vocati, ab eo Argentinæ curatam configi, nisi qui perinde esse autumar, sive nodum seces, sive solvas, modo nihil Romanæ Sedi minus honorificum, quantumvis manifeste in oculos incurrat, concedatur? Si Sturmii tantum epistolam damnatam voluit Paulus IV. cur non, quod par erat, nec adeo difficile, proprio eam nomine indicavit? Haud ita sane obtusi erat ingenii rigidus ille Pontifex, ut non facile hariolari posset, fore, ut lectores sui Indicis, ac præsertim Protestantes, si notæ illi censoriæ, *Liber inscriptus Consilium de emendanda Ecclesia*, nihil præterea de Sturmio adjiceret, de hoc plane non, verum potius de illo delectorum Cardinalium ac Præfulum Consilio hac ratione damnato cogirent. Quam autem pudenda fuisset eorum, qui Indicem illius imperio consarcinarunt, incuria, quam turpis oscitantia, si non errori illi, quod vel verbulo de Sturmio addito facile fieri poterat, ivissent obviam?

ANIMADVERSIO.

Ultero assentior, in prolixioribus iis locis, quæ meis e Scriptis Schelhornius recitavit, pro *Cap. V.* meæ Diatribæ poni debere *Cap. VI.* & pro *Liber inscriptus de emendanda Ecclesia*, legi *Liber inscriptus Consilium de emendanda Ecclesia*. Æque assentiretur Niceronius, si in vivis degeret, Sturmianam ejus Consilii Editionem non decurtatam, qualem ille retulit, sed plenum titulum præferre, quem exhibuit Schelhornius.

Venio nunc ad graviora. Petit Schelhornius, quisnam ille sit, qui facile sibi persuaderi sinat suspicionem, quam ipse omnium primus excitavi, de Sturmiana Editione in Paulino Indice damnata? Sua ipsa verba adversus Schelhornium regerendo,

pe-

petam ab ipso, Si Consilium ipsum damnatum voluit Paulus IV. *cur non, quod par erat, nec adeo difficile, propriis illud indicibus designavit?* Cur notæ illi censoriæ, *Liber inscriptus Consilium de emendanda Ecclesia*, nihil præterea de Paulo III. cujus jussu, de Cardinalibus, & Prælatiis, quorum opera prodiit, adjecit, ne de alio Consilio, sed unice de Novemvirali damnato cogitari ab ullo posset?

III. Evolve, quæso, haud gravatim, DOMINE, Pauli IV. Indicem, & mox post nostrum, de quo disceptamus, Consilium hanc notam invenies: *Lib. inscrip. Consilium Pauli III. datum Imperatori in Belgis, cum Eusebii Pamphili pia explicatione*. Vide, quam circumspectus sit Indicis fabricator, ne ipsum hoc Pauli III. Consilium damnasse videatur, sed junctum modo cum aculeata illa scriptoris *ῥαυδωρὶς* epicrisi.

Acerbum diploma Paulus III. ad Augustissimum Cæsarem Carolum V. A. 1544. perferendum curavit, quum is in comitiis Spirensibus nonnihil Evangelicis indulisset, ac in cogenda synodo & definiendis fidei controversiis aliquid potestatis sibi sumisset. Protulit illud in lucem A. 1545. suppresso suo nomine, Joannes Calvinus, acerrimis scholiis castigatum, sub titulo: *Admonitio paterna Pauli III. Rom. Pont. ad invictissimum Cæsarem Carolum V. &c. cum scholiis* (*) Hæ animadversiones initium capiunt a pag. 43. & ad finem usque libelli procedunt, hac *ἐπιγραφή* instructæ: *Scholia in Epistolam Pauli III. Pont. Max.* Hoc ipso autem titulo occurrunt illa damnata in Indice Pauli IV. lit. S. inter incertorum auctorum libros prohibitos, ne scilicet ad credendum lector inducatur, ipsam prædecessoris sui epistolam, hisce scholiis præfixam, quæ plane sibi erat ad palatum, ab se nigro thæta esse notatam.

Ad

(*) Hunc libellum raro obvium in splendidissima TUA Bibliotheca extare novi.

Ad hunc modum ei consuetum hic etiam scribendum illi fuisset, si nihil Consilio ipsi derogare voluisset, vel *Consilium de emendanda Ecclesia cum Jo. Sturmii epistola*, vel potius *Jo. Sturmii epistola de Consilio de emendanda Ecclesia*.

Idem index, quem reliqui deinde ad nostram usque ætatem secuti sunt, obelo in tertia Classe lit. D. transfixit *Diurnale Romanum*, sed ne quis ineptissime sibi persuaderet, cuncta eum e medio sublata voluisse Diurnalia Romana, prudenter adjecit *impressum Lugduni in adibus Fjli-berii Rolleti & Bartholomæi Fraeni*. Annon & hic necessitas notulam aliquam efflagitasset, qua editionem tantum Sturmii, vel etiam Vergerii, aut aliorum Protestantium, quos hæreticorum nomine Vos inique oneratis, rejectam esse dilucide significaretur?

Expulso A 1538. Geneva quorundam instigatione cum duobus collegis Joanne Calvino, Jacobus Sadoletus, Cardinalis & Episcopus Carpentoractensis, hanc occasionem ambabus arripens manibus, ad Senatum populumque Genevensem literas magna, qua plurimum pollebat, eloquentia scriptas anno sequenti dedit, in quibus nihil eorum prætermisit, quæ ad eos in Romanæ ecclesiæ gremium revocandos pertineret. Illis autem Calvinus, Argentinx tum degens, pari facundia ita respondit, ut ille mox totum istud negotium omiserit. Hæ binæ epistolæ junctim dein publici fuere juris factæ. Locum igitur invenerunt in Catalogo librorum prohibitorum, a Facultate Theologica Parisiensi A. 1542. confecto, ita vero, ut sollicite caveretur, ne lectores Jacobi Sadoleti epistolam atro carbone notatam suspicarentur. Numero enim 60. hæc leguntur: *Deux Epistres, l'une de Jaques Sadolet Eveque de Carpentras, & la seconde de Jaques (leg. Jean.) Calvoin. LA DEUXIEME REPROUVER*. Nisi omnia me fallunt, majus fuisset operæ pretium pari sollicitudine ipsum novemvirale Consilium diserte a Jo: Sturmii epistola distinguere, si illud Indicis auctores non simul suppressum voluissent.

ANIMADVERSIO.

Schelhornio hoc quoque loco sua verba reddens, ita ipsum compellabo, *Evolve, queso, haud gravatim Pauli IV. Indicem, & invenies ibidem pari breviloquentia, ac Consilium, de quo agitur, libros quamplurimos, ne dicam plerosque omnes, prænotari. Atque ut sistamus unice in litera L. cui liber Consilii illius adscribitur, hi quoque libri sub ipsa recensentur: Liber de auctoritate, officio, & potestate Pastorum: Liber in Orationem Dominicam: Liber de Providentia Dei: Liber de falsa Religione.* Quis negaverit hujuscemodi titulos valde & ipsos laconicos esse, ac propterea absque hario-latione vix certo hac ætate definiri posse, quinam sint libri iisdem designati, quandoquidem non Authoris tantum nomen, sed locus, sed annus impressionis eorundem reticetur? Quid vero dicet Schelhornius, dum inter eosdem sibi occurret etiam *Liber de Unitate Ecclesiastica*? Fateatur, oportet, haud defuturos qui suspicentur, eo titulo enuntiari librum a Polo exaratum, & Henrico Regi transmissum, atque ita cogitantes, pro re certa habituros Editionem Argentoratensem ejus libri a Vergerio curatam, cujusmodi apertis verbis in Indice Hispaniensi damnatur, non vero Opus ipsum vetitorum librorum classi accenseretur. Æqua igitur potestas nobis dabitur existimandi, Sturmianam Editionem potius, quam Consilium ipsum, in Indice configi, siquidem compertum foret Novem-

C

virale

virale potius, quam aliud quodcumque Consilium, per Indicem significari. Si vero Schelhornius opponeret, librum *de Unitate Ecclesiastica* in eo Indice reponi inter libros incertorum Auctorum, eum autem, quem Polus conscripsit, Authoris sui nomen præferre; subdam ego, locum inter eosdem pariter sortitum fuisse Consilium de emendanda Ecclesia; aliud ergo habendum erit ab eo, quod in Romana Bladi Editione, & in aliis etiam, Auctores certos semel iterumque declarat; in fronte scilicet, ubi legitur, *Consilium delectorum Cardinalium, & aliorum Prælatorum de emendanda Ecclesia S.D.N.D. Paulo III. ipso jubente conscriptum*, & ad calcem, ubi Novemvirum nomina exhibentur. Frustra quoque contendit Schelhornius, quoniam Scholia in Epistolam Pauli III. Pont. Max. non vero Epistola ipsa, inter libros occurrunt damnatos in eo Indice, hujus accuratorem inde certo certius omnium oculis patefieri. Frustra, inquam, nam petam, quænam sit Epistola illa Pauli III. Pontificis? quænam sint Scholia, quæ nigro theta notari commeruerint? Hujuscemodi questionibus obnoxios esse posse omnes ferme librorum titulos in Pauli Indice descriptos, fateretur absque ulla dubitatione & ipse Schelhornius, imo ansam inde desumeret ei Pontifici insultandi, nisi laudem diligentæ, & ingenii non obtusi, quam eidem hoc loco tribuit, in rem suam esse existimasset. Caveas tamen quicumque mea ista legeris ne putes

tes, Indicis fabricatorem ceu parum circumspectum in invidiam a me vocari ob compressionem, cujus est sermo. Habet etenim ista iusta excusationem inde profectam, quod libri in Indice confixi adeo ea ætate, qua iste confectus fuit, in propatulo erant, ut fusiori tituli descriptione, unde omnibus innotescerent, minime indigerent. Notissima vero Pauli IV. temporibus Sturmiana Consilii Novemviralis Editio; contra, quæ Antonii Bladi typis prodiit, ut statim constabit, lucem, quam viderat, subito amisit, eaque proinde omnino carebat, dum Pauli IV. Index conderetur.

IV. Sed hæc ad opinionem TUAM infringendam sufficere ratus, pergo TECUM, EMINENTISSIME QUIRINE. Conjecturæ TUÆ patrocinari, ejusque verisimilitudinem augere existimas, quod Paulus Sarpus in Historia Concilii Trid. non admodum certe sollicitus in suppressendis iis, quæ Romanæ curiæ & singulariter Pauli IV. honori parum faverent, de Consilio illo Lib. I. loquens, ne verbulo quidem eam censuram designet, prodatque tantum, illud clanculum quidem, at Pontifice Paulo III. probante, transmissum fuisse in Germaniam Cardinalis Scombergii opera. Magis autem, magisque confirmatum TE esse in ea sententia addis, quod Sarpus silentium imitati essent scriptores alii, erga curiam illam seu nihilo, seu paulo melius, quam Sarpus, animati, interque hos Joannes Launojus.

Vera hæc esse lubens fateor. Ignorarunt hi Viri cordatissimi, digitum in Indice intendi in illud delectorum Cardinalium ac Præfulum Consilium. Quid vero tum? Nihil hinc mea sententia amittit roboris, firmis rationibus nixa. Argumentari enim ab unius alteriusve scriptoris silentio, vel ignoracione etiam, ad ipsius facti negationem haud licere, Tute ipsemet fateberis. *Non sequitur*, inquit Bellar-

minus, Lucas & Paulus non dicunt Petrum fuisse Romæ ; igitur Petrus non fuit Romæ.

ANIMADVERSIO.

Utique ab unius, alteriusve Scriptoris silentio, vel ignoratione etiam, ad ipsius facti negationem argumentari haud licet. At ego facti, de quo agitur, negandi argumentum desumsi non ab uno alterove Scriptore, sed a confertissimo Scriptorum manipulo tam Catholicorum, quam Acatholicorum, de quibus certe absque ulla verisimilitudinis specie affirmetur, idem factum seu ignorasse, seu silentio pressisse. Non sequitur profecto, Beatum Petrum Romæ non fuisse, propterea quod iter istud Lucas, & Paulus non memoraverint. Sequitur vero, Sleidanum, Sarpium, Seckendorffium, & alios hujusmodi, maximæ apud Protestantes auctoritatis, Scriptores, de Consultatione Novemvirali differentes, animo erga Romani Pontificis imperium, unde illa prodiit, quam maxime hostili, & ne verbulo quidem indicantes, eandem a Paulo IV. inter libros proscriptos, quorum Indicem iidem ante oculos habebant, repositam fuisse, silentio isto suo palam declarasse, eam condemnationem habendam esse pro fabulosa. At eandem, dicit Schelhornius, pro re explorata habuerunt primo Vergerius, qui buccinam inflavit, ut Pauli IV. scelus denuntiaret, deinde nonnulli gregales sui, qui ejusdem buccinæ sonum percusserunt. Inde ergo consequetur, repono ego, accusationem illam in Paulum,

lum, & in ejus Indicem celebritatem hujusmodi habuisse, quæ certius evincat, Scriptorum superius memoratorum silentium non ex facti ignoratione ortum duxisse, sed ex indubia eorundem persuasione, causam, quam Vergerius suscepit, adeo iniquam esse, ut ipsorum patrocinium nullo pacto promeretur.

V. Addo. Non sequitur, Sarpus, Possevinus, Pallavicinus, Launojus, & alii plerique omnes ignorarunt Consilium de emendanda ecclesia Romæ typis esse excusum, quod Tu, DOMINE, nos primus edocuisti; ergo non fuit ibi editum. Hinc vero etiam infero: Non sequitur, Sarpus, Launojus, alique nescierunt Consilium illud inter libros damnatos a Paulo IV. fuisse relatum; ergo hoc factum haud est.

ANIMADVERSIO.

Quod addit Schelhornius, nihil prorsus ejus causæ suffragatur. Ut enim suffragaretur, necesse foret eundem demonstrare, I. Romanam Consultationis Novemviralis typis Bladi Editionem æque celebratam fuisse ex Scriptorum testimoniis, ac celebrem reddidit ejusdem assertam condemnationem, quem dixi, buccinæ sonitus. II. Certum olim ejusdem Editionis documentum in libro omnino obvio extitisse, par scilicet illi, quod, teste Vergerio, eam condemnationem adtruebat in Pauli IV. Indice. III. Adeo magni momenti fuisse Editionis illius notitiam sibi parare, publicamque facere, ac intererat tam Orthodoxorum, quam Sectariorum innotescere, & vulgari condemnationem illam,

illam; horum quidem, ut eandem Sedi Apostolicæ exprobrarent; illorum vero, ut in ea collaudanda caute se gererent. Hæc tria, ut dixi, necesse foret Schelhornium demonstrare, quod nunquam profecto præstabit.

Undenam adductus sit Schelhornius, ut in me laudem contulerit, quod primus edocuerim Consilium de emendanda Ecclesiâ Romæ typis excusum fuisse, plane non video; nec enim eandem ego mihi arrogavi, sed contra de typis illis ita scripsi: *Hi laudantur in Bibl. Script. Ord. Præd. T. II. p. 133. & ab aliis etiam.* Quæ mea verba quum allegaverit ipse Schelhornius, peregre ejus animum fuisse dicam, dum eam mihi laudem, liberalius quam deceret, adscripsit.

VI. Si lustrare Viris illis doctissimis datum fuisset Vergerii animadversiones in Indicem Pauli IV. optimæ frugis plenas, sique judicii, quo uterque pollebat, longe perspicacissimi intendissent aciem, in ejus sententiam ipsos fuisse descensuros haud dubito. Vidit tamen Launojus, illud consilium sui ævi Inquisitoribus minus probari. Ita enim ille in epistola ad Henricum Barrillonium, abs Te etiam allegata. *Sub excommunicationis pena legi prohibent, quod Paulus III. sub excommunicationis pena fieri voluit. Proh nefas! Nam ut prohibitorio Indici liber adscribatur, omnino satis est, si in eo Concilium delectorum Cardinalium laudetur, quod tamen Paulus III. gratum ratumque habuit, nec aliter habere potuit, cum tam severe jussisset, ut concilium feret.*

ANIMADVERSIO.

Haud opus erat a Viris doctissimis Vergerii Animadversiones lustrari, ut sprete sanctissimæ Con-

Consultationis infamiam, cujus ille Paulum IV. insimulavit, ediscerent; namque Indice tantum, quem Pontifex iste vulgavit, perlecto, flagitium illud in eo deprehendissent, quæ ipsa ratione Vergerius deprehendere potis fuit. Præterea Vergeriana Scripta plane ad palatum Protestantibus fuisse omni ævo, in dubium vocari nequit, quemadmodum certa res est, a Seckendorffio eas Animadversiones inter ea Vergerii Opera laudari, quæ oculis suis patuerunt, Hïstor. Luther. p. 601.

Nego vero, Launojum vidisse, eandem Consultationem sui ævi Inquisitoribus parum probari; id enim dumtaxat suspicari voluit, & injuria quidem, ut, quæ Schelhornius ipse recitavit, verba ista mea declararunt: *Quis autem non indignetur, dum Joannem Launojum in Epistola ad Henricum Barrillonium affirmare deprehendit, bodiernos Inquisitores sub Excommunicationis pœna legi prohibere Consilium illud, atque ut prohibitorio Indici liber adscribatur, omnino satis esse, si in eo illud laudentur?* Quoniam Schelhornius in Nota, quam hoc loco subjungit, Epistolæ scilicet suæ p. 16. Launoii doctrinam maximis laudibus exornat, velim, Lector, oculis tuis iterum usurpes, quæ in Præfatione mea legisti; sunt enim hujusmodi, ut Schelhornio insolentius Doctoris illius Parisiensis auctoritatem jactanti vetus adagium regeri valeat, *Hic Rhodus, hic saltus.*

VII. Neque causæ, cujus patrocinium suscepi, quicquam officit, quod scriptores vestris placitis addictissimi, inter quos Antonium Possevinum nominatim recenses, se dolere professi sint, Consilium illud, quod in Collectione Conciliorum Petri Crabbe Colon. Agripp. A. 1551. luci exposita comparet, in Suriana aliisque posterioribus desiderari. Licet enim inde prono fluat alveo, eos de censura in laudatum Consilium nihil rescivisse, quod illorum de ista prætermissione querelæ satis indicant, ea tamen ipsa illius ex collectionibus Conciliorum, post Petri Crabbe industriam editis, non Suriana tantum, sed reliquis etiam ad unam omnibus rejectio pro mea sententia corroboranda valide pugnat; subitque mirari, Viris, ceteroquin ingenii acie non destitutis, inde haud suboluisse, causam sane fonticam huic omissioni ansam præbuisse, quæ non alia facile esse potnit, quam illius Consilii ac eo contentorum veritatis testimoniorum ab ipsa Romana Curia orta suppressio.

ANIMADVERSIO.

Prætermissa in Conciliorum Editionibus Novemviralis Consultatio tunc solum justam causam præberet suspicandi, eandem, ceu in Romano Indice proscriptam, locum fortiri in iisdem, Editorum judicio, non commeruisse, quando aut ipsi Editores, aut saltem illis coævi Scriptores Catholici mentionem aliquam ejus censuræ fecisse comperirentur. Accidit vero contra, neminem adhuc ex iis Scriptoribus a condita illa Consultatione usque ad præiens tempus eandem memorasse, quin ipsam ceu sanctissimum, & sapientissimum Opus, ceu excellentem Christianæ doctrinæ, & pietatis typum collaudaverit. Hæ ipsæ laudes, quas eidem de-

deberi in confesso apud Catholicos scriptores omni ævo fuit, effecerunt, ut Possevinus, aliique ex ipsis, vehementer de prætermissione, cujus sermonem facimus, doluerint; indeque certum argumentum trahimus, eosdem nec per umbram de ejus libelli per Indicem Romanum damnatione cogitasse, ac proinde longissime abfuisse, ut putarent eam obstitisse, ne idem libellus in Conciliorum Editionibus sedem nancisceretur. In Crabiana utique non desideratur. Istam autem cum Author emisit aliquot annis ante Indicem a Paulo IV. confectum, nec ipsa certe in eodem censuram evasisset, nisi absque dubio foret, nullo pacto eandem subjisse libellum illum.

VIII. Censes quidem, DOMINE, in doctissima Tua Diatriba, quæ primam Epistolarum Card. Poli partem condecorat, p. 367. Antonium Possevinum querela sua de ejus Consilii in Surii Conciliorum corpore omissione supersedere potuisse, si animadvertisset, locum eidem in Conciliorum Collectionibus, non deberi; quod hujusmodi Consultationes ea auctoritate, quæ inest Conciliis, destituantur. Verum enim vero si hoc nomine locus illi in grandibus istius generis Syllogis dandus haud fuit, concedendus tamen ei jure merito erat tanquam insigni, Te judice, monumento zeli pontificii, quo viam sternere ad supremam manum emendationi Ecclesiæ eo felicius in Concilio imponendam voluisse Paulum III. ejusque hac in re consiliarios, haud dubie arbitraberis. Nonne enim æquum est, ut in magnis istiusmodi collectionibus ad acta Conciliorum reddenda, quantum fieri potest, omnibus numeris absoluta etiam ea

D

exhi.

exhibeantur monumenta, quæ nexum cum Conciliis habent, sive illa præcesserint, sive proxime secuta sint?

Ipse sane Severinus Binius &c. p. 18.

ANIMADVERSIO.

Instat ergo Schelhornius, & quærit, quænam igitur fuit causa, ut Consultatio in Collectionibus illis omitteretur? Antequam ego respondeam, ab ipso postulabo, ut causam mihi afferat, cur Scripti illius versio Germanica a Luthero edita cum Præfatione, & Notis ad marginem satis aculeatis, extet quidem in ejus regionis Bibliothecis, in Tomos autem Operum Lutheri relata non fuerit? Huic interrogationi non aliis verbis Schelhornium puto satisfacturum, nisi a Seckendorffio usurpatis, videlicet, *Nescio qua causa*. Satis igitur foret, si, par pari reddendo, Schelhornio sciscitanti ejus prætermisionis causam, reponerem & ego, *Nescio qua causa*. Attamen haud ita reposui, quemadmodum constat ex meis verbis a Schelhornio recitatis, quæ hujusmodi sunt, *Consilium illud quod in Collectione Conciliorum Petri Crabbe Colon. Agripp. an. 1551. comparet, in Suriana (unde autem id acciderit, in Diatriba explicavi) aliisque posterioribus desiderari*. Rejicit quam attuli explanationem Schelhornius, objiciens, plura in Collectionibus illis comprehendi, licet, Novemviralis Consultationis instar, haudquaquam recenseri valeant inter conditas in Conciliis definitiones. Plura ergo, & non omnia (aio ipse) quod Collectores singuli in
eo-

eorundem acervo conficiendo nulla lege adstrictos se senferint, ac proinde seu genio tantum suo indulserint, seu amplioris sibi suppellectilis parandæ facultate caruerint. Quam autem causam affereamus, cur in Regia Conciliorum Editione locum invenerint ea etiam monumenta, quæ, si Gallos Scriptores audiamus, maculam memoriæ Regum Franciæ adspargunt, decretisque regiam potestatem circumscribentibus, & Regno schismatis notam impingentibus conciliant auctoritatem? cur etiam Acta Conciliorum ab Joanne Harduino auspiciis Ludovici XIV. Galliarum Regis, imo nutu, jussuque publicata e Regia Typographia plura complectantur, ut contendit Du-Pinius in Scripto ad Parlamentum Parisiense, Libertatibus Ecclesiæ Gallicanæ, Regumque potestati contraria? Habere ista multo difficiliōres explicatus, quam prætermisso a Schelhornii stylo vexata, nec Schelhornius ipse in dubium revocaverit.

IX. Hinc Edmundus quoque Richerius, Vir optimus, quem ingenuus candor monarchiæ pontificiæ patronis adeo reddidit invisum, ut non omnia duntaxat ejus opera in librorum danimatorum censum referrentur, sed ipse etiam carceri & vinculis, ac tandem, quanquam jam grandævus, vitæ dispendio sinceritatem suam luëret. Richerius, inquam, ille, ex gestis Conciliorum ecclesiæ primitivæ dignosci censet, hoc antiquis patribus semper propositum fuisse, ut omnia acta diligenter referrent, quæ aut præcessissent, aut secuta essent Concilia, cujus quidem rei gesta primæ Synodi Ephesinæ, Concilii Chalcedonensis, &c. certissimam fidem faciant; valde igitur dolet, sæculo, quo

ars typographica florebat, omnia acta Synodi Tridentinæ fideliter edita non fuisse, quorum quidem proœmium & fundamentum commentarii fiduciæ Adriani VI. ad Franciscum Cheregatum Nuncium Pontificium in Germania cum articulis jussu Pauli III. pro ecclesia & curia reformanda conceptis facere illi videntur. Laudat deinde Petrum Crabbe, quod Consilium Paulo III. datum Synodo Tridentinæ in sua collectione præfixerit, miratus, quoniam casu vel instituto hoc a Laur. Surio prætermissum aut expunctum fuerit. De Severini autem Binii collectione & Romana Conciliorum edirione non esse ita laborandum existimat; cum ipse Binius fateatur, se in sua Sylloge Baronium & Bellarminum auctores sequi, quibus hoc propositum esse nemo ignoret, ut temporalem curiæ Romanæ monarchiam quovis jure vel injuria vindicent, & nulla indigere emendatione, aut saltem, quæ ab alio quam a summo & falli nescio Monarcha ecclesiæ fieri debeat, demonstrant. Unde in hoc studium præsertim incumbant, ut omnia acta, quæ curiæ & ecclesiæ reformandæ necessitatem indicant, abrogen-

Philippus quidem Labbe &c. p. 21.

ANIMADVERSIO.

Vidisti jam, Lector, superius, quam male Schehornius rationibus suis consuluerit, Jo. Launojum mihi obiciens ceu integerrimum, ac luculentissimum adversus Pontificios testem, tantæque auctoritatis, ut ejus dictis refragari idem profus sit, ac veritatem respuere; male, inquam, propterea quod diserte professus fuerit Launojus, non Paulum III. non Paulum IV. Novemviralem Consultationem unquam reprobasse, nec per Romanum Indicem eandem unquam confixam fuisse. Modo autem ostendam, quam incommodæ iisdem rationibus cedant

dant eximie laudes, quibus ille hoc loco Edmundum Richerium condecorat. Ac primo observo, Richerium miratum quidem fuisse, Consilium Novemvirale in Surii, aliisque Collectionibus omissum fuisse, at de libello illo in Romanum Indicem relato, ac proinde de Vergeriana accusatione nec vola, nec vestigium apud eundem Richerium. Cur igitur hujus modestiam imitatus non est Schelhornius in ferendo de ea omissione iudicio? Observo deinde, Commentarium fiducie Adriani VI. ad Franciscum Cheregatum Nuncium Pontificium in Germania, haud minus quam Articuli de Ecclesia, & Curia reformanda jussu Pauli III. conscripti, dignum a Richerio existimatum fuisse, qui Actis Concilii Tridentini, ceu eorum præmium, ac fundamentum præponeretur. Atqui in eo Commentario præmium, & fundamentum eorum quæ mandantur, hæc faciunt: *In primis declarabis eis maximum dolorem, quo affligimur ex prosperatione sectæ Lutberanæ, ob id potissimum, quod videmus innumcrabiles animas Christi sanguine redemptas, & curæ nostræ pastorali commissas illius occasione a vera fide ac religione averti, & in perditionem ire, idque in natione, ex qua nobis secundum carnem origo est, quæ ab initio, ex quo ad Christum conversa fuit, usque ad istos proximos annos semper exitit fidelissima ac religiosissima. Ac propterea nobis vehementissimum desiderium esse, ut huic pesti celerius occurratur, priusquam Germaniæ ipsi contingat,*
quod

quod Bobemiæ olim contigit ; nosque paratissimos esse ad faciendum omnia in hunc effectum , quæ ex parte nostra expectari poterunt , ac summopere desiderare , ut etiam unusquisque eorum hoc ipsum pro viribus facere studeat . Utque id faciant , nos quantum possumus , unumquemque eorum hortari , & rogare . Exordio hujuscemodi , quod gerit Commentarius ille , alia omnia in eo tradita respondent , ac propterea vix oculis meis credo , dum video Schelhornium , æque ac Richerium , dolere Commentarium illum Collectionibus Conciliorum inditum non fuisse . Pugnat ergo Schelhornius adversus seipsum , Sectamque suam , dum pro Vergeriana calumnia tuenda , quam ejusdem Sectæ Antesignani prorsus despexerunt , iis utitur præsidiiis , quæ fusque deque vertunt non Lutheranæ tantum , sed Sectarum omnium a Catholica Ecclesia dissentientium dogmata , seu melius deliramenta . Heterodoxi , quibus sanum sit sinciput , cavere omnino debent , ne in ullo controversiarum genere testes adhibeant ad sententias suas firmandas seu Richerium , seu Launojum , seu alios hujusmodi Scriptores ; nam statim a nobis regeri poterit , ut eorundem igitur auctoritate permoti agnoscant , ac fateantur semper quidem laborandum esse in Ecclesia pro corruptelis extirpandis , at visibilem eam semper persistisse , nec unquam posse deficere . Inter Launojii Epistolas una extat , cui hujusmodi lemma præfigitur , *In ea Epistola totus est Launojus , ut Tridentini Concilii utilitatem*
præ-

prædicet. Collatis inter se Nicæna, & Tridentina Synodis, ostendit longe plura in Ecclesiam commoda ex secunda, quam ex prima evenisse. Attamen non dissimulat enata ex utraque incommoda, quæ hominum malitiæ unice adscribenda sunt. Marcum Antonium de Dominis, & Fratrem Paulum acriter perstringit.

Subdit in Notis ad hunc locum Schelhornius Epistolam de Richerii rebus, quam *memorabilem* dicit, Bartholomæi Morisoti, Viri, ut ille ait, gravissimi. Ea ad rem nostram nihil facit, quemadmodum ejusdem initium, quo Sanctorum coram Deo pro nobis intercessio adstruitur haud scio, an ad doctrinam suam conferre Schelhornius affirmarit.

X. At enim vero neque hi (*Surius, Binius, regiusque Conciliorum Collector*) neque ipse Labbeus, nec post eum Harduinus, ac Nicolaus Coletus, qui tamen plurima alia documenta ad Synodi Tridentinæ historiam elucidanda spectantia, laudando studio Collectionibus suis inferuerunt, Novemvirale illud Consilium adjungere: cujus omissionis non aliam quidem causam hariolari possum, quam quod istud in prohibitorum librorum Indicibus damnatum sit.

ANIMADVERSIO.

Neminem novi, a quo hariolationem istam suam acceperit Schelhornius, etsi perspicacissimi ingenii homines non defuerint, qui Conciliorum Collectionibus versatis ad eam omissionem animadverterint. Itaque erit ille contribulibus suis magnus Apollo. Velim ego, ut eo ipso munere modo fungatur in causa afferenda, ob quam haud dispar

par omiffio in Lutheri Operum Collectione contigerit, ea, inquam, omiffio, cujus fuperius memini. Id agens, fe acutius fagaciffimis illis hominibus, & Seckendorffio ipfo cernere valuiſſe demonſtrabit. Cauſam omiſſionis a Schelhornio adeo exagitatæ aliquam fuperius ego attuli n. VIII.

Quandoquidem vero eadem homini illi nihil ſatisfaciat, hariolationem meam de omiſſo in Lutheri Operum Collectione Conſilio Novemvirali ab ipſo in lucem educto cum Annotationibus maxime venenatis, percipiat. Puduit vel eos Collectores operæ a Luthero collocatæ in ea Editione curanda, hanc omnino ſordidam rati præ Sturmiana, quæ paſſim in Germania omnium manibus terebatur. Quodnam fuerit utriuſque diſcrimen, Cochläi verbis in Epiftola ad Sturmium exarata declarabo: *Attamen nihil dubito epiftolam tuam longe æquiori animo a doctis & gravibus viris legi, quam Teutonicam adverſus viros illos Lutberi interpretationem. Tu enim a convitiis nonnihil temperas: Lutherus autem non veretur, tantos viros (quorum cruditionem vitæque integritatem, quam & tu fateris, novit ac laudat univerſa Italia) dicere perditos ac deploratos Nebulones. Tu Latine ſcribis, ut illi queant intelligere, quid approbes & quid reprehendas, atque quid amplius ab eis deſideres: Lutherus autem Teutonice ad rudes Germaniæ plebes, illos nequiter traducit, ſicut fecit olim adverſus Ezechiam Regem improbus Raſfaces. Tu eos in quibus-*

busdam laudas ac probas: Lutherus absque discrimine cuncta refutat; aut si tam manifeste bona sunt quæ illi dicunt, ut a nemine, nisi ab impiis & insanis, sensuque communi carentibus, reprehendi queant, ipse per calumniam in contrarium retorquet sensum, tanquam fide ac dolo, aut per ironiam mentisque perversitatem ab eis dicta sint. Tu hortaris illos ad capta perficienda. Ille vero dira eis imprecatur, pro ejusmodi pacis & reformationis consilio. Tu Synodum generalem non omnino rejicis aut respicis: Ille compluribus libellis variisque figmentis & picturis, atque Teutonicis rythmis omnem Synodum Oecumenicam calumniatur ac recusat. Tu spem aliquam ad concordiam nobis relinquis. Ille jam pridem minatur nobis bellum perpetuum, ut nec vivus nec mortuus, ullam nobis pacem aut quietem sis permissurus &c. Sat bene intelligo, fore, ut meam istam hariolationem Schelhornius risu prosequatur, qua ratione par mihi reddet, qui suam multis sibilis dignam existimavi: Veniam petimusque damusque vicissim. Tigurini ipsi, quorum typis Schelhornius suam hanc Epistolam concredidit, fateri ultro debebunt, furore plusquam hæretico plena esse Lutheri Scripta, siquidem ad memoriam revocent, eorum Majores cuidam hujus libello respondentes, ita dixisse: Prophetæ, & Apostoli, Dei gloriæ, non privato bonori, non suæ pertinaciæ, & superbiæ studebant, sed peccatorum salutem querebant unice. Lutherus autem sua queris, pertinax est,

E

info-

insolentia nimia effertur, & confestim Satana tradit quotquot illius sententiæ non illico subscribere velint, & in omnibus correptionibus suis plurimum maligni spiritus, quam minimum vero amici, & paterni ingenii deprehenditur.

XI. Provocas deinde, ut ulterius progrediar, CARDINALIS EMINENTISSIME, ad Pallavicinum commemorantem, se ob oculos habuisse plures Pauli III. instructiones, quibus cavebatur, ne reformationis eo Consilio comprehensæ capita alicui *in iscritto*, de scripto darentur ullo modo, & præterea Cardinalis Aleandri ad Cochläum literas, in quibus ita loquitur: *Multa haberem scribere de re publica; sed mali custodes estis rerum arcanarum. Consilii Cardinalium promulgatio cum invektiva Sturmii manibus hominum teritur, antequam vel ab auctoribus edita, vel executioni fuerit demandata.* Unde infero, Consilium illud ea cautela Romæ servatum, ne manu etiam exaratum prodiret, nulla ratione Indicis censuræ obnoxium esse potuisse, eaque propterea dum emanavit, tantum in Sturmii libellum ut prolaberetur necesse fore; huc etiam facere existimans verba Vergerii, Amœnit. liter. Tom. VII. p. 268. a me recitata, atque a TE repetita. Addis, hæc omnia simul juncta, dum diatribam sæpe laudatam scriberes, conjecturam TUAM pro re omnino explorata proferri a TE posse TIBI persuasisse, nisi una simul compertum TIBI fuisset, quod allatos in medium Scriptores plerosque omnes qua ratione fugere potuerit, TE vix intelligere innuis; nimirum Consilium illud novemvirale vix Paulo III. Pontifici exhibitum in ipsa Urbe vulgatum fuisse A. 1538. typis iis ipsis, qui Indicem Pauli IV. vulgarunt, scilicet Antonii Bladi Cameralis Impressoris: alium etiam typographum, videlicet Gotardum de Ponte, præferre editionem ejusdem Consilii confectam eodem anno, quam in manibus TE habere, & in ea locum impressionis quidem sileri, at in fronte comparere stemma Pauli III. indicas, quod satis sit ad pro-

probandum, Pontificis auctoritatem eidem non defuisse.

Hæc quidem legens, plane levatum me labore respondendi primum rebar: Sed confestim, quod una manu liberaliter dedisse videbaris, altera iterum nobis eripere conaris, quod verba TUA his subjecta affatim comprobant. Ita enim pergis: „*Ut ergo vela contraham, ingenue quidem modo fatevi cogor, conjectura illi mea deesse validum illud subsidium, quod ipsi præbebat Romana editionis ignoratio (qua eos Scriptores laborasse satis mirari non possum) non ideo tamen causam omnino deferendam puto, sed adhuc litem sub Iudice esse posse contendo, num Consilium de emendanda ecclesia in Indice ictum, illud ipsum sit, quod ex Romanis typis profluxit, an quod Germania typi, adjuncta Sturmii Epistola, in lucem eduxerunt. Ut primum nulla ratione credatur, confert ea ipsa ignoratio, de qua modo dicebam, nam illa invicte probat, Romanam Editionem vel in ipsa Urbe Cimmeriis, aut adhuc obscurioribus tenebris contactam latuisse, ut perinde se haberet, ac si nusquam extaret; ita vero latens quid opus erat, ut proscriptis libris accenseretur, eoque pacto ad hominum notitiam deduceretur? Addam, ita sepultam jacuisse, ut Vergerius in iisdem Annotationibus in Pauli IV. Indicem, opus sibi fuisse existimaverit, probare, eandem non confictam ab Hæreticis, sed vere germanum partum esse, idque ex literis, quibus Contavenus, & Sadoletus Sturmio rescripserunt, nec non ex verbis Petri a Soto, quem per contumeliam Brentius primo, deinde Vergerius Asotum appellavit.*

Celatam primo summopere voluisse Paulum III. eam consultationem, ex illa ipsa compertum nobis est. Ita enim laudati novemviri inter alia: *Ut omnia liberius inter nos tractari possent, tibi que a nobis explicari, jurejurando nos obstrinxisti, addita etiam excommunicationis pana, ne cniptiam aliquid hujus nostri muneris proderemus.* Hujus occultationis causam Pallavicinus in loco abs Te citato ex variis Pauli mandatis hanc nobis prodidit; nimirum si cuiquam de scripto traderetur, mox hæreticorum typis impressam prodituram esse, & si quid aulam Romanam tangeret, illico exprobratum iri, prout Adriani monitis a

Cheregato Norimbergam delatus acciderit: Nec Romanæ aulæ vitia proferenda, ut evitaretur, quod obtigerat Militio, ad Saxonem a Leone misso, cujus narrationes quam facete, tam inconsulte ab ejus popularibus acceptæ sint, quasi luculenta testimonia aulæ Romanæ, atque pro hujusmodi in Wormatiensibus Comitibus exprobratæ. Nec alia de causâ semper in Senatu statutum esse porro scribit, ea documenta clam habenda, & per opera potius, quam per leges complenda.

An hoc, quod postremo loco tradit Pallavicinus, revera sit effectum, ac Pontifex ille diligens fuerit monitorum, a novemvirali isthoc Collegio ei subministratorum, executor, nos quidem valde dubitamus, in altera id epistola curatori disquisitioni nostræ subjecturi. Hominum autem oculis luculenta illa de Romanæ aulæ ac ecclesiæ corruptelis testimonia, quibus refertum est Consilium, voluisse plane subducta eos, qui vitia tegi maluerunt, quam emendari, facile credimus.

Nec sollicitudo illorum erat inanis, fore, ut si emanaverit nimis ingenua ista confessio, Protestantes eam typis recusam, inque suos usus conversam omnium conspectui exponant: Id quod Lutherus, Sturmius ac Vergerius reapse magno Romanensium cordolio præstiterunt. Mirum vero, famosum illud Consilium in lucem exiisse, quantumvis ante aliter visum fuerit Paulo III. & purpuratorum Patrum Senatui, Romæ, quod plane ignorabat Pallavicinus, Tuque, DOMINE, primus nos edocuisti, idque typis Antonii Bladi, Impressoris Cameræ, quam nuncupatis, Apostolicæ, atque adeo haud nesciente aut improbante Pontifice. Quis enim, eum sine superiorum permissione ac ipsius Patris præscitu id facinus ausurum fuisse, sibi persuadeat?

ANIMADVERSIO.

Rudem indigestamque molem Lectoribus exhibent quæ hoc loco Schelhornius confarcinat. Ea vero magnam accipient lucem ex Pauli Sarpii nar-

narratione, quæ Schelhornio, ut reor, nullam falsitatis suspicionem movebit. Ita illa se habet: *Il Pontefice, ricevuta la relatione di questi Prelati, la fece considerare a molti Cardinali, & propose poi in Consistorio la materia, per prenderne deliberatione. Frate Nicolò Scomberg, dell' Ordine Dominicano, Cardinal di S. Sisto, con altro nome chiamato di Capua, con longhissimo discorso mostrò che quel tempo all' hora presente non comportava, che si riformasse alcuna cosa. Primieramente, considerò la malitia humana, che sempre quando li è impedito un corso al male, ne ritrova un peggiore: & che è manco male tollerare il disordine conosciuto, & che per essere in uso, non dà tanta maraviglia, che per rimediar a que'lo, dare in uno che come nuovo restarà più apparente, & sarà anco più ripreso. Aggiunse, che sarebbe dare occasione a Lutherani, di vantarsi, che havessero sforzato il Pontefice a far quella riforma- & sopra tutte le cose considerava, che sarebbe state principio, non di levar gli abusi soli, ma ancora insieme i buoni usi, & mettere in maggior pericolo tutto le cose della religione: perche con la riforma si confesserebbe, che le cose provvedute, meritamente erano riprese da Lutherani; il che non sarebbe altro, che dar fomento a tutta la lor dottrina. In contrario Giovanni Pietro Caraffa, Cardinale T'beatino, mostrò, che la riforma era necessaria, & grande offesa di Dio essere il tralasciarla: & rispose, essere regola delle attioni Cbristiane, che siccome non s'ba da fare*
al-

*alcun male, acciò ne succeda bene: così non si debbe tralasciare alcun bene di obligatione, per timore che ne venga il male. Varie furono le openioni: & finalmente, dopo detti diversi pareri, fù concluso, che si differisca di parlarne ad altro tempo: & comandò il Pontefice, che fosse tenuta segreta la rimostranza fattagli da' Prelati. Ma il Cardinal Scomberg ne mandò una copia in Germania: il che da alcuni fù creduto non essere fatto senza saputa del Pontefice, acciò fosse veduto, che in Roma vi era qualche disegno, & qualche opera ancora di riformatione. La copia mandata fù subito stampata, & publicata per tutta Germania; fu anco scritto contra di quella da diversi, in lingua Tbedesca, & latina. Es pur tuttavia nella medesima regione cresceva il numero de' Protestanti, essendo entrati nella loro lega il Rè di Dania, & alcuni Prencipi della casa di Brandenburg. Ex hac narratione planum est, primo loco inferre, per summam calumniam a Schelhornio, suarumque partium hominibus affirmari, *Hominum oculis luculenta illa de Romane Aule, ac Ecclesie corruptelis testimonia, quibus refertum est Consilium, voluisse plane subducta eos, qui vitia tegi maluerunt, quam emendari.* Inferas deinde, Sarpium affirmantem Purpuratos Patres a capienda in eo Concilio rio deliberatione abstinuisse, aditum nobis facere ad credendum, rem ita accidisse; scilicet prævaluisse rigidi Caraffæ sententiam, indeque Consilii illius per Romanos typos publicationem, fatis jam fun-*

cto

At Schombergio paucis omnino mensibus post habitum illud Concistorium, factam fuisse per Antonium Bladum, Pontificis utique præscitu; ita-
tim vero ipso jubente circumscriptam, retentam-
que fuisse Editionem illam, quod Lutheri, & Stur-
mii Scripta, quæ ad Urbem convolaverant, ita de-
cerni postulassent. Frustra igitur sunt quæ scribit
Schelhornius, *Mirum vero famosum illud Consilium
in lucem exiisse, quantumvis ante aliter visum fuerit
Paulo III.* Non ante, sed postea aliter Paulo III. vi-
sum fuit, idque accidit, non quidem, ut facile (vi-
delicet temere) se credere dixit Schelhornius, quod
vitia tegi maluerit, quam emendari, sed iustis illis
de causis, ob quas Schombergius censuerat, nullo
pacto opportunam fore ejus Consilii præproperam
publicationem. Paulo Sarpio eas causas exponenti
fidem nisi adhibeant Heterodoxi, novo istud docu-
mento erit, nullos certos fines sibi ab iisdem con-
stitui, siquidem de maligne interpretandis Catholi-
corum rebus agatur. Quid vero, quum Curayerus
etiam non tantum ceu innocuam occultationem
illam repræsentaverit, sed præterea æque innocuam
transmissionem Consilii illius per Schombergium
in Germaniam, ad vadum quodammodo tentan-
dum, explorandos scilicet amici sui cujusdam
mentem, seu sensus de fortuna, quæ Scriptum il-
lud maneret, si publicum redderetur? En illius
verba: *Quoiqu'il soit vrai, que Paul dans toutes
les Instructions données aux Nonces eût ordonné de
tenir*

tenir secret cet Ecrit, comme Fra Paolo le reconnoit, est il impossible, que Schomberg l'eût envoyé secrètement en croyant en faire bonneur à ce Pontife sans que celui-ci lui en eût su mauvais gré, parceque n'étant point publié avec autorité on étoit toujours en état de le désavouer? Quum nullam itaque labem seu Sarpium, seu Curayerus cum in Schombergii, tum in Pauli Pontificis voluntate deprehenderint, Sectariorum utramque carpentes quis non arguat de invereconda prorsus, & propudiosa maledicentia?

Tandem Lectorem moneo, caute legenda quæ Pallavicinus l. 3. c. 5. ex Sarpio recitat in hunc modum: *Cbe il Pontefice per mezzo dello Scombergio lasciasse andar una copia di quelle divise riformazioni in Germania per dare a credere agli emuli che si attendeva al negozio.* Sarpium autem verba sunt ista, *Acciò fosse veduto che in Roma vi era qualche disegno, e qualche opera di riformaione;* quibus exacte respondet Curayeri versio, in qua legitur, *A fin que l'on vit, qu'à Rome on avoit quelque vue de réforme, & qu'on pensoit à y travailler.*

XII. Imo aliam quoque ejus editionem memoras typis Gotardi de Ponte eodem anno exscriptam, in qua quidem locus impressiois fileatur, at in fronte compareat stemma Pauli III. quod satis TIBI videtur ad probandum, Pontificis auctoritatem eidem non defuisse. An Gotardus ille de Ponte artem typographicam Romæ exercuerit, Tu, harum rerum longe callentissimus, omnium optime noverris. Ego in Mætzarii Annalibus typographicis alibique, nisi mei me deceperint oculi, ne ejus quidem nomen reperi. Solum autem Pauli III. stemma titulo adjectum id, quod asseris, nondum conficit. Est enim mihi ejusdem

Pon

Pontificis *Bulla prorogationis sacrosancti generalis Concilii*, A. 1537. excusa, cuius in fronte itidem comparet illius stemnia: Sed neque Romæ, neque præscitu Papæ eam editionem esse curatam, tam aculeatissimæ animadversiones margini appositæ luce meridiana clarius demonstrant, quam hoc *Pasquilli carmen in Paulum III. Papam fugitivum a facie Concilii Mantuani*, ejus stemmati subiectum: * *Quid est tibi Papa, quod Concilium fugisti - Et vos Cardinales, quia conversi estis retrorsum - A facie reformationis mota est Curia - A facie reformationis vera - Qua converteret Papam in pauperem Plebanum - Et Cardinales in miseros Capellanos.*

ANIMADVERSIO.

Quemadmodum minime dubitandum ego censui Consilii Novemviralis publicationi non defuisse Pauli III. auctoritatem, ea etiam de causa quod editio illius libelli typis Gotardi de Ponte exscripta stemma ejus Pontificis in fronte præfert, ex pari ratione in dubium minime revocandum puto, Bullam Paulli III. excusam an. 1537. quam memorat Schelhornius, Pontificis præscitu in lucem prodiisse. In hujuscemodi enim exemplaribus, quibus primitivæ Romanæ Editiones repræsentantur, diligentia Typographorum, ut plurimum haud omittit stemmata apponere, quibus eadem ornantur. Ornamenta autem Animadversionum, & Pasquilli, quæ addita visuntur Bullæ illi a Schelhornio allatæ, auctoritatem unice accipiunt ab eorum ingeniorum nequitia, quibus volupe est, omne sacrum profanare. Quoniam vero ea ornamenta huc transferenda duxit Schelhornius ex Tom. VII. suarum

F

Amœ-

* Ex Amœnit. liter. Tom. VII. p. 254.

Amœnitarum literariarum, me quodammodo invitat, ut in memoriam ei revocem Georgii Wicelii Conquestionem, cujus ille recitat fragmenta in eodem Tomo septimo, quin in ea ipsa Commentatione, cui Bullam eandem inseruit. *Ego sane* (ita loquitur in querula sua illa Scriptione Author præclarissimus, magnæque fidei, Protestantium judicio) *Paulum (III.) excuso, ut qui ex animo toto concupierit Concilii effectum, tantum abest, ut refugerit.* Et paulo ante de optima ejus Pontificis voluntate in statuenda Reformatione verba faciens, *Porro Pontificem suum* (inquit) *ultra sequentur Cardinales presbyteri, quos bodie Italia habet in omni eruditionis genere eruditissimos. Nec me ullus e Roma rumor perinde adficit, quam quoties audio Cardinales presbyteros cruditos illic vivere, ut qui cum antiquis Ecclesiæ doctioribus certare possint.* Fugiat, oportet, convertatur retrorsum Schelhornius, ita loquentem audiens Wicelium illum, cui Hermannus Conringius hoc textit elogium in Præfat. ad *Viam Regiam*, ejusdem Wicelii Opus, *Quis paulo doctior vero non optet de omnibus Ecclesiæ dissensionibus libere differentem audire Wicelium tanta virum doctrina, & fama?* Conringium autem Schelhornius in Amœnit. ceu Virum summum collaudat, & in hac ipsa Epistola sua neminem eidem, in Germania saltem, ingenio, & doctrina superiorem fuisse, paucosque pares affirmat.

XIII. Quicquid vero hujus rei sit, divinæ nos providentiæ acceptam ferimus illius memorabilis Consilii editionem

nem, hoc pacto post Hadriani VI. Instructionem, quam vocant, suo in Germaniam Nuncio Cheregato suppeditatam novo domestico, eoque omni exceptione majori, testimonio de perditissimo curiæ Romanæ statu locuplerati. Minus profecto mirandum est, a Paulo III. facti poenitentia ducto illud Consilium, quod ejus permissu typis ante excusum erat, deinde suppressum fuisse, quam quod prius illud in lucem exire passus sit, cujus instituti non aliam ego rationem perspicere possum, quam ut sic orbi emendandæ curiæ & ecclesiæ studium ostentaret, cui tamen eventus haud quaquam respondit. Æternis vero postea, quantum in ipso erat, istud additum voluisse tenebris videtur, cum rem aliter cadere, atque a Protestantibus, ac Sturmio potissimum (cujus epistolam ejus conspectum subiisse, nullam dubitandi causam habemus) tam male id excipi, atque in aulæ Romanæ opprobrium converti intelligeret.

ANIMADVERSIO.

Multo equidem sincerius, quam Schelhornius, & sui Lutherani, Sectarii que omnes, acceptum ferimus nos Orthodoxi divinæ Providentiæ bina illa Scripta in vulgus emanasse, atque adhuc extare; nam quæcumque in iis leguntur eruditioni nostræ singularem in modum interservire profiteamur. Quare Pallavicinus l. 4. c. 5. ita scribit de Articulis Consultationis Novemviralis: *Ma è accaduto con provvidenza di Dio, che tali avvertimenti apparissero al mondo, acciocche si vedesse quali erano per verità le più interiori piaghe del Governo Ecclesiastico ricercate con ogni cura, ed esposte con ogni libertà da buoni d'un incomparabile zelo, e sapere. Non falsità di dogmi, non depravazion di Scritture, non iniquità di leggi, non politica inorpellata di santità, non bul-*

danza di vizj , come latravano i Luterani , ma soverchia condescensione nell' impunità degli errori , o nella derogazione a quei mandamenti , a cui Lutero fece molto più ampia derogazione , quando gli arse pubblicamente a Vitemberga , e liberò del tutto i seguaci suoi dall' obligation di effettuarli . Hæc tradens Pallavicinus , omnium nostrum voce eloquutus fuisse censendus est . Nunc quæro , quænam sit Schellhornii , & Heterodoxorum omnium vox , dum in Hadriani VI. Instructione legerint quæ in ipsa contineri superius significavi recitato ejusdem exordio , cui placet alium in præsens Articulum adjungere . Non debet autem revocari in dubium , quod per Concilia generalia & universam Ecclesiam constat esse approbatum tanquam fide tenendum : Injuriam namque facit Ecclesie Synodo , qui semel recte disposita nititur in dubium revocare . Quid enim unquam certi esse poteris inter homines ? Vel quis contentionum disputationumque finis erit , si præsumptuoso & perverso cuique libertas seu licentia erit recedendi ab his , quæ non unius neque paucorum , sed tot sæculorum & tot sapientissimorum hominum consensu , & Catholicæ Ecclesie (quam Deus in his quæ sunt fidei , nunquam errare permittit) determinatione sancita sunt , cum tamen unaquæque civitas leges suas inviolabiliter observari exigat ? Quomodo non omniaurbationibus & scandalis & confusione plena erunt , nisi ea , quæ semel , immo sæpius maturo judicio constituta , ab omnibus inconcussè observentur ? Cum igitur Lutherus & sui

Con-

Concilia Sanctorum Patrum condemnent, sacros canones comburant, & cuncta pro arbitrio suo confundant, ac totum mundum perturbent, manifestum est, eos tanquam publicæ pacis inimicos & perturbatores ab omnibus ejusdem pacis amatoribus exterminandos esse. Hæc est vera, & potissima, quam in suo illo Commentario sanctissimus, & optimus Pontifex præscripsit, Reformatio, a cujus facie mirum est ni moveatur univèrsa Lutheranorum Curia, dum ibidem legit, Lutherum damnari ceu Mahometem alterum, & ejus asseclas, ceu miseros Hæreticos; ni moveatur, inquam, imo vero contremiscat, quandoquidem allatis septem Articulis ad Reformationem illam spectantibus Pontifex Nuncio suo ita mandar: Hortaberis nostro nomine dictos Principes, Prælatos, ac populos, ut tandem expurgentur, & excitentur ad obviandum tam grandi injuriæ, quam Lutherani Deo, & sacræ Religioni ejus, & maximam ignominiam, quam toti Nationi nostræ Germanicæ, ipsiſquemet Principibus, & maxima opprobria, & maximam contumeliam, quam Majoribus eorum, quos, ut diximus, in effectu ad Gebennam condemnant, inferre noscuntur; & ad executionem sententiæ Apostolicæ, ac Imperialis Ediçti facti omnino procedant. Utinam! Utinam! hæc omnia Lutheranì ita æquis auribus accipiant, ac accipi a se profitentur Catholici Articulos ad Reformationem pertinentes, quos Hadriani Commentarius, & delectorum Cardinalium Consilium divino prorsus afflatu proposuerunt.

XIV. Evulgatum, Te ipso teste, Romæ typis Antonii Bladi, Impressoris Cameralis, A. 1538. Vix vero prodierat, quod ineunte anno factum esse oportet, cum nulla interposita mora, Sturmius, vir eruditione, rerum agendarum peritia ac eloquentia insignis, denuo id prelo subiectum, sub incudem vocaret. Ejus enim epistola, Consilio annexa, jam 3. Non. Apr. ejusdem anni Argentorati exarata est.

Quod autem ex summa editionis Romanæ, per ipsum Paulum III. suppressæ, raritate colligi posse, contendis, illam, quam vel in ipsa urbe Cimmericis, aut adhuc obscurioribus, tenebris contextam latuisse scribis, in Indice Pauli IV. ictam haud fuisse, sed eam tantum, quam Germaniæ typi, adjuncta Sturmii epistola, in lucem eduxerunt, nemini facile Te persuasurum esse autumo, nisi qui Romanæ Sedis studio cuncta, nonnihil incommodi ipsi adferrentia, licet sint manifestissima, quovis jure, quavis injuria negare ac pernegare haud veretur. Quædam jam ejus exemplaria in hominum manus pervenerant. Unum certe nactus erat Lutherus, imperterritus ille ac invictus heros; alio potitus fuit Sturmius; & quis hos duntaxat tam felices fuisse, ut id soli adipiscerentur, contendat? Haud dubie in Italia etiam nonnulla ad alios emanarunt. Omnia, quantum pote, pudore ductus, prorsus ex hominum oculis manibusque sublata voluit Paulus III., cui monitis illis locum dare non expediebat.

ANIMADVERSIO.

Dum Consilii, de quo agitur, per Bladum Romanæ excusi, plura Exemplaria ad Germanos emanasse colligit Schelhornius ex Lutheri, & Sturmii acerbis in illud, quod denuo prælo iis subjecissent, declamationibus, excidisse ex ejus memoria dicendum est, quod ipsemet, teste Surio, p. 17. narraverat, nimirum ejusdem Consilii exemplar manu
tan-

tantum exaratum a Cardinale Schombergio in Germaniam transmissum fuisse; excidisse quoque mea verba ab eodem p. 22. recitata, quæ ita se habent, *Addam, ita sepultam* (Bladi Editionem) *jacuisse, ut Vergerius iisdem Annotationibus in Pauli IV. Indicem opus sibi fuisse existimarverit probare, eandem* (Consultationem) *non confictam ab Hæreticis, sed vere germanum partum esse, idque ex literis, quibus Contarenus, & Sadoletus Sturmio rescripserunt, nec non ex verbis Petri a Soto, quem per contumeliam Brentius primo, deinde Vergerius Asotum appellarunt; & tertio excidisse etiam quæ propius scilicet p. 23. allegaverat de Epistola a Cardinale Aleandro ad Cochlaeum conscripta, ex qua nempe hæc ipsa recitat verba, Consilii Cardinalium promulgatio cum invectione Sturmii manibus hominum teritur, antequam vel ab auctoribus edita* (cor.editum) *vel executioni fuerit demandata* (cor.demandatum); nec tandem pervidisse, quæ paulo post, videlicet p. 28. ex Ittigii testimonio verba erat ipse allaturus, hæc videlicet, *Cum enim prædictus Cardinalis Capuanus scriptum hujus Consilii exemplar in Germaniam ad amicum misisset, sive conscio Pontifice id factum fuerit contigit ut illa Præsulum de emendanda Ecclesia monita ad Lutheri manus pervenirent &c.* Nonnulla autem ex impressis illis Exemplaribus per Italiam emanasse, Schelhornio etiam non dubitante alii dubitabunt.

XV. Hinc tanta editionis Romanæ raritas, ut major esse non possit. Si vero ipse Paulus III. præcipuus ejus consulta-

sultationis *ὑποδιακονίας*, illud de emendanda Ecclesia Consilium, quod ejus primum permisso ex Romanis typis profluxit, suppressere non dubitavit, quis, quæso, Paulum IV. in Indice suo *Consilium de emendanda Ecclesia*, nulla plane limitatione adjecta, prohibentem, Romanam editionem permissam, ac Sturmianam tantum Vergerianamque censura sua ictam voluisse arbitretur? Ipsum porius Consilium hominum manibus excussum, & ex eorum memoria erasum cupiebat Pontifex, ubicunque tandem locorum, sive Romæ, sive Argenrinæ, sive alibi impressum, tanquam antecessoribus suis, & Sedi Romanæ minus honorificum, quodque præterea hæcenus executioni non datum noverat. Hinc etiam, nec alia de causa, in Indice suo atro carbone notavit vindicias ejusdem Consilii adversus Sturmium a Joanne Cochleæ emissas, quibus hunc titulum indidit: *Æquitatis discussio super Consilium delectorum Cardinalium &c.*

ANIMADVERSIO.

Eos omnes, qui superiores Animadversiones expenderint, mecum arbitratturos confido, Consilium de emendanda Ecclesia in Indice Pauli IV. enuntiatum, aut non esse Novemvirale Pauli III. jussu a delectis Cardinalibus, & Præfulibus conscriptum; sed aliud quodvis, cujus incertus foret Author, aut ad Novemviralis illius Editiones tantum, cujuscemodi, antequam Index ille construeretur, in Germania prodierant, Indicis censuram referri, non vero ad ipsummet Consilii libellum, qui, statim ac Romæ vulgatus fuit, perinde se habuit ac si nunquam in lucem prodiiisset. Bene utique, sapienterque contigit subita hujus suppressio, postquam compertum fuit, eundem, porius quam ad delinendos Protestantium animos, pertrahendos scilicet

cet ipsos ad pios Nostrorum conatus laudandos inserviret, arma multo magis quam antea furialia ipsorum improbitati ministrasse, quod sperarent ex statuta in eo libello Reformatione aditum arrogantiae suae factum ad obtinendam insuper dogmatum Catholicæ fidei everfionem. Cæterum verbis Indicis hisce, *Liber inscriptus Consilium de emendanda Ecclesia*, Novemvirale nostrum haudquaquam designari, sed aliud, ut dixi, Authoris nobis ignoti, novum argumentum suppeditant verba illa, *Æquitatis discussio super Consilium delectorum Cardinalium &c.* Ea etenim probant, Novemvirale illud, ne cum alio confunderetur, Authorum suorum expressa mentione facta, in Indice etiam, declarari, qua ratione ipsum declarant omnes superius memoratæ Editiones, nimirum Sturmiana, Cochleæana, Crabbiana, Vergeriana, uti & Romana Bladi, alixque, quæ istam excipserunt. Ipsa Cardinalis Aleandri jam jam laudata Epistola Consilium illud ut certo monstraret, *Consilium Cardinalium* absque alio additamento dixit. Data est Viennæ in Austria mense Julio a. n. 1539. quum nondum, ut ex ipsa constat, eidem Cardinali Editio Bladi innotuisset.

XVI. Sed pergamus. Ulterius instas, PRÆSUL EMINENTISSIME: Ut autem recta adoriar, quam ipse velut ab inferis excitasti, Vergerianam accusationem, adnotabo, neminem ex prisca vestris Scriptoris, etsi Romani Indicis auctoritati infensissimis, quibus certe, aequè ac tibi, Vergerii scripta comperta, neminem, inquam, seu a te, seu ab aliis (quod quidem sciam) afferri, qui in eo Indice animum illud Consilium

G

linum

lium damnatum reperiri conquestus fuerit, idque Catholicis exprobraverit, ut superius etiam indicavi: Quod profecto silentium non aliunde profluere potuisse videtur, quam ex agnita vel ab ipsis Heterodoxis ejusdem accusationis falsitate. Telum hoc, quod recta in me contorques qui Vergerianæ accusationi meum adjeceram calculum, retundere, & argumentum, quod ex nostrorum de illa infimulatione silentio deducis, elumbe reddere, nullius fere negotii est: &c. p. 26. 27. 28. 29. 30. 31. 32.

ANIMADVERSIO.

Siquidem nullius negotii fuerit Schelhornio retundere telum, quod in eundem contorsi, jam dixi superius, fore, ut inde consequatur, grave per illum vulnus infligi Scriptorum illorum authoritati, quorum præstantiam in Amœnitatibus suis celebrat, quodvis ii præsidium caufis, quas tuendas ibidem susceperit, contribuant. At absque eo quod Amœnitates illas adeamus, Protestantium una vox est immortales laudes deberi Historiæ Lutheranismi a Ludovico Seckendorffio conscriptæ. Has autem nimium deterere censendus erit Schelhornius, dum accusationem Vergerianam, de qua agitur, valde celebrem fuisse probat eo ipso sæculo, quo floruit Seckendorffius. Is enim non quidem carptim, sed lato calamo argumentum, ad quod illa spectabat, pertractans, nihilque prætermittens ad extenuanda Pontificis merita, cujus jussu conscriptum fuit Consilium illud, attamen ab eadem seu firmanda, seu etiam memoranda prorsus abstinit, ut in superiori Præfatione indicavi, ibidem
ad-

adnotans, eidem sat bene compertas fuisse Annotationes Vergerii in Indicem Pauli IV. Igitur eruditioni, & industriæ Seckendorffiani illius Operis multum detractum iri nemo non videat, quando ejus accusationis mentio omnis in ipso omissa ignorantioni tribuatur, non vero falsitati. Hanc autem potius quam illam ei prætermiſſioni causam dedisse, mordicus propugnare A catholici omnes adstringuntur, ut eidem Operi, quantum in ipsis est, suus semper honos maneat, laudesque persistant. Inter istas autem ea maxime huc facit, quam hisce verbis describit celeberrimus Heumannus in Poecilii T. II. l. I. p. 17. *Seckendorffius non solum Historicus est, sed etiam patronus Lutheri, ejusque dicta & facta studiosissime defendit. Non igitur plane à nobis scripsit. Illud tamen, qui eum curate legeris, verum cognoscet, justos eum habuisse adfectus, non turpes, ac tantam adhibuisse fidem, ac tantam diligentiam, quanta in hominem videtur posse cadere; huc, inquam, facit, fides, & a turpibus affectibus vacuitas, quas laudes Seckendorffio tribuit Heumannus; nam ambæ in magnum discrimen vocarentur, si accusationi illi suum ipse calculum adjecisset. Suum tamen adjicere non dubitarunt, ait Schelhornius, Theologus maximi nominis, & immortalium in orthodoxam Ecclesiam meritorum D. Joannes Gerbardus; pariter Polyhistor summus, qui omni ævo, in Germania saltem, ingenio & doctrina paucos pares, neminem fortassis superiorem habuit*

*buit, D. Hermannus Conringius; tertio, Theologus quondam Lipsiensis, & in omni historia Ecclesiastica longe versatissimus, D. Thomas Ittigius. Triumviros istos Schelhornius, quantum ei libet, jactet, & extollat, dummodo affirmari a me sinat, eorundem ^{aristot.} prorsus habendum Seckendorffium; eoque magis quod huic datum fuit Gerhardi, & Conringii Scriptiones consulere, eas namque collaudat in Histor. Lutheranismi. Parem potestatem mihi facturum puto Clariss. Pfaffium, quem tribus illis testibus superpondii loco Schelhornius adjungit. Adjungam & ipse Seckendorffio superpondii pariter loco Sarpium, Curayerum, Launojum, Richerium, & Kieslingium, in quos omnes penitus de Consilio Novemvirali differentes cadere potuisse & Vergerianorum Scriptorum, & Paulini Indicis ignorationem, is tantum contendet, cui omnis exciderit verecundia, quique ignoret quidnam sit veritati litare. Penitissime autem argumentum illud discussit postremo loco nominatus Professor Lipsiensis in Epistola publice ad me ipsum data, cui publice etiam respondi. Is rei inter nos controversæ apicem palam fatetur in eo ipso argumento consistere, ac proinde suas in illud transfert meditationes, demonstraturus, *Susceptum* (ait) *a laudato Pontifice Paulo Tertio religionis emendandæ negotium, nec non consilium de instituendo aliquo ad componenda partium dissidia Consilio, tanti non esse æstimandum, quanti illum fecisti.* Ita Kieslingius
num.*

num. VII. suæ Epistolæ in hac Urbe recusæ, quibus consonant quæ leguntur num. X. *Devenio* (inquit) *ad illud quod rei caput est, ad Paulii Tertii Emendationem, quam insigniter nobis commendas; sed lubens fateor, me prorsus ignorare hujus Pontificis in emendanda, Ecclesia merita.* Quis non videt ignorantia istius suæ solidum fundamentum statim locari a Kieslingio potuisse, si intentatam a Vergerio accusationem suo etiam suffragio adstruxisset? Hanc enimvero nullum omnino locum nactam fuisse inter Kieslingii meditationes illas, si tantum non mirentur, qui hunc censuerint, eandem inter delirationes, seu somnia ablegasse. Ne ignota siquidem ipsi illa fuisse dicatur, intercedit Schelhornius, qui Kieslingianam lucubrationem ingenti maerore elogio, *doctissimam* vocans *Epistolam viri exquisita eruditione præditi, ac variis scriptis eximiis magnam nominis famam adepti D. Jo. Rudolphi Kieslingii, Professoris Lipsiensis, qua de Gestis Pauli III. Pontificis ad emendationem Ecclesie spectantibus, præclare differit.* Hæc habet Schelhornius in Præfatione suæ hujus Epistolæ, eaque nulla ratione sinunt, inscium dici posse Kieslingium insignis illius emolumenti, quod Index primo Paulinus, deinde Adnotationes Vergerii in eundem, insuper Gerhardi, Conringii, Ittigii, Pfaffii loca a Schelhornio recitata, caulæ suæ impertiebantur, inscium tandem eorum, quæ de eo argumento congeffit Schelhornius suis in Amœnitatibus. In eadem Præfatione profite-

tetur Schelhornius, se velitationis nostræ literariæ testes præcipue, ac iudices esse cupere non Italos, *libero* (inquit ipse) *ejusmodi Scriptionibus in Italiam vestram aditu fere intercluso; sed Viros doctrinæ, ac virtutum laude florentes e Germanis, quorum ubere proventu ætas nostra per Dei gratiam gaudet.* Schelhornii Amœnitatibus liberum aditum interclusum esse in Urbem, in qua publicam Cathedram obtinet Kieslingius, si quis diceret, is statim falsi argueretur, quandoquidem illæ in fronte præferunt, *Francofurti, & Lipsiæ.* Uterque, nisi fallor, artes suas advocabit, ne divulgatus a me mimus iste alterutrius famam lædat, indeque occasio mihi dabitur Ovidianum illud occinendi, *O! mira calliditate Viros.*

XVI. Isthæc vero singula, quæ hæcenus disputavi, probe ac ἀντιπαρῶν considerata, si TUA EMINENTIA minus satisfaciant, prorsus tamen satisfactura esse Germanis meis non spero tantum, sed etiam confido, nec ullam dubitandi de eorum suffragio causam habeo. Italis autem Tuis, inter quos non paucos hodie florere Viros omnibus ingenii ac doctrinæ ornamentis perinsignes lætus fateor, vobisque hoc nomine plausum meum publice testor, doctis, inquam, Italis de hujuscemodi argumentis libere & ex animo profari, quæ sentiant, haud licet.

ANIMADVERSIO.

Frustra fortasse sperat, imo confidit Schelhornius, sententiæ suæ in hac Epistola propugnatae eruditos Germanos suffragaturos; nam inter ipsos quoque (ni suscepti negotii amor me fallit) haud deerunt, quibus illa minus adhuc satisfaciatur, quam
li-

liber ab eodem exaratus, quo mitissimi ingenii hominem, agnum profecto, cujusmodi certe toto vitæ suæ tempore extitit Reginaldus Polus, in leonis, in tygridis, serpentisque formam commutaret. Judicium enim, quod de hisce Schelhornii Scriptis e Lipsiensi Athenæo prodiit, testantur literæ, quas in manibus habeo, lucubrationes meas ad tuendam ejus Cardinalis innocentiam compositas his verbis exornantes: *Quam docte, & acute Burnetii, & aliorum, qui partium studio abrepti de tanti Viri (Poli) memoria detrabere ausi sunt, commenta, & calumnias profligasti! ut qui eas in posterum repetere velit, se omnium ludibrio certissime sis expositurus.* Quodnam vero sit doctorum Italorum de præsentis hac nostra controversia judicium, Schelhornium certum facient aliquot literæ, quas nudius tertius accepi. In unis ita scribitur: *Ho letto i tre fogli dell' Epistola che V. E. va pubblicando contro lo Schelornio con tutto quel piacere che mai può aver si in leggendo Opere dottissime, e concludenti. Risponde Ella con tanta chiarezza, e con tanta forza all'impugnazione di quel Protestante, che con tutta verità si può dire che sotto i colpi vibrati dalla risposta di lei finirà egli di vivere.* In alteris vero hæc habentur: *Resto sempre più persuaso che nessuna cosa faccia l'uomo apparire, ed essere più debole di una vera incostanza, mentre se in questo caso il Schelbornio avesse persistito nel suo savio primo proposito, avrebbe mantenuta la sua stima in qualche grado maggiore di quel-*

quello che in avvenire sarà appresso gli uomini del mestiere, li quali sicuramente non gli perdoneranno il passo falso che ha fatto, vantaggioso per altro alla nostra causa, che sempre più forte si dimostra mediante le dotte osservazioni &c. Tertix hæc habeat: A me sembra, e così sembrerà a tutti, che V. E. tratti il suo argomento con tutt' il nerbo possibile; convince l'Avversario, e lo riduce a termine di mai più rispondere. In aliis tandem ita scribitur: Non bo balsami per confortar lo Schelornio. A spese sue apparerà ad esser più canto. Judicia hujusmodi, ad quæ in medium producenda Schelhornius me provocavit, falletur ipse, si putet, Romana tantum ex Urbe prodire potuisse. Vaticana, quæ scitatum misissem, oracula proferens ego, famoso Amœnitatum Concinnatori nil aliud viderer, quam Persephonem, inamœna regna tenentem, adiisse. Bonos Venetos integritatis laude præstantes ea judicia auctores habent, nec erit cur recuset Schelhornius, ni forte suspiceretur, indignatos eisdem adversus se fuisse ob fidem, quam Sarpîi narrationibus detraxit. Equidem in controversia, quam in hac Epistola sua Scriptor ille mihi proposuit, adeo ipse diversus est a Sarpio, ut nihil magis. Sarpîus ne verbo quidem innuit, Consultationem Novemviralem, de qua lib. 2. fuisse disserit, seu a Paulo IV. seu ab ullo Romano Pontifice in vetitrum librorum Indicem relatum unquam fuisse, etsi diligenter in lib. 6. describat quæcumque a Tridentinis Patribus ventila-

ta

ta in utramque partem fuerunt de Pauli IV. Indice aut omnimode retinendo , aut ad novam formam redigendo. Præterea sententiam ejus Consultationis illico publicandæ quam valide adversus Cardinalem Schombergium in Consistorio propugnaverit Cardinalis Caraffa, fidem facit idem Sarpius, cujus de hac re verba superius retuli. Schelhornii autem verba sunt ista , ut paulo ante vidimus : *Fortasse præter ejus (Caraffæ) mentem Consilium illud typis olim excusum est.* Jure itaque Clariss. alius Civis meus insigni inter cæteras animi dotes in alienis Scriptis carpendis mansuetudine præditus, cujusque omnijugam eruditionem non Italia tantum, sed Europa universa jamdiu admiratur , primis Animadversionum mearum foliis perlectis, Schelhornium his verbis statim adoritur, *Dove ha Egli què i suoi Sleidani, i suoi Sarpi, i suoi Secbendorfi, che lo suffragghino? L'Apostata Vergerio, che gli viene in soccorso, è un Autore sì screditato che &c. V. E. ha risposto a tutto con tal forza, e con tal' evidenza che nulla si può aggiungere, e nulla di vantaggio a desiderare rimane, se non fosse il finimento della Risposta, che sarà facilmente il possente &c.* Alia poltea subjungit, a quibus lubens manum abstineo , ut Schelhornio par reddam, qui mei, ut ille ait, *reverentia ductus* tria Julii Crotti Cremonensis in Paulum IV. Epigrammata recitare prætermisit. Literarum bono natus Vir ille præstantissimus, earundem studiis in præsens etiam impense admodum , et si octoginta

numeret annos, incumbit, idque testatum omnibus facient lucubrationes, quibus omnino recens operam suam appulit, publicam lucem quantocius visuræ. Utinam vitali ille luce diutino adhuc tempore perfruatur, dignus profecto quam maxime, qui

Multa virum volvens durando sæcula vincat.

Quodnam futurum sit de nostra hac controversia Gallorum etiam iudicium Schellhornio obvium erit hariolati ex recensione Editionis Poli literatum, quam exhibent tam *le Journal des Savans*, quam *les Memoires de Trevoux*.

XVIII. Superest adhuc epiphonema Tuum, quo Tuis animadversionibus coronidem imponis. *Id unum fateamur omnes oportet, haud parum profecto interesse Romana sedis, ne laudatissimus praestantissimorum Cardinalium & Praesulum fatus, cujusmodi Consilium illud, ejusdem auctoritate prescriptus censeatur.* Equidem hoc utraque TIBI manu largior, At enim vero inter nos jam non disquiritur, quid aulae Romanae intersit, sed quid verum sit. Quam multa, obsecro, sunt historiarum monumentis testatissima, inprimis adgesta Pontificum vestrorum spectantia, quæ sedis Romanae maxime interest, vera ne esse censeantur, cum haud leves illi maculas inurant? An autem propterea isthæc veræ esse definent? An ideo in dubium ea vocare, vel plane inficiari æquum & justum foret? Non arbitror.

ANIMADVERSIO.

An merito, vel immerito ex meo illo epiphonemate ansam sumplerit Schelhornius commemorandi historiam sesquisæculi, scilicet decimi, & dimidiæ partis undecimi, æquo cuique, ac sapienti Lectori judicandam relinquo. Arbitratur ergo homo ille

ille, si ejus verba expendamus, secum invicem pugnare dicentis adfectus, dum veritatem adstruere conetur, quam seu suis, seu etiam publicis commodis conferre profiteatur. Equidem communi me sensu orbatum existimarem, si in Vol. II. Amœnit. Hist. Eccles. Liter. p. 460. de fragmentis Epistolarum Didaci de Mendoza e Scorialensi Bibliotheca in publicam lucem educitis Hagæ Comitum an. MDCCXVI. cum noris & observationibus Guidavillii, deprehendens ego a Schelhornio ita scribi: *Cumque nostra maxime intersit, præ ceteris, quam potest fieri, penitissime cognitos habere illos Pontifices Romanos, qui per Legatos suos Synodum Tridentinam moderati sunt, ea non possunt non nobis esse gratissima, ut pote in quibus Paulus III. qui primus Concilium convocavit, ita graphice & vivis veluti coloribus a laudato illo Caroli V. Oratore depingitur, ut, qui ejus pectus, sanctum Dei Spiritum inhabitasse persuasum sibi habet, toto errare celo jure dicendus sit, hæc, inquam, si a Schelhornio scribi deprehendens ego, confestim argumentarer, veritatem igitur nihil ab ipso pensi fieri, ut suorum utilitatibus inserviat. Absit, absit hujusmodi argumentationis flagitium. Rectam autem, solidamque esse, quam statim subdam, contendo. Recitat ex loco Schelhornius Genituram Pauli III. ex Hieronymi Cardani libro Geniturarum depromptam, inventamque, ut ibidem traditur, inter arcana Petri Aloysii Farnesii, Parmæ, & Placentiæ Ducis,*

cis, certumque ex eadem argumentum affirmandi defumit Pontificem illum deliramentis hisce fidem præstitisse. Atqui, ajo ipse, revera contigerunt, quæ in Genitura illa Pauli III. prædixit Astronomus Paris de Mantua, nimirum Paulum ad summum gradum Pontificatus evectum iri non quidem in Comitibus, quæ post Leonis X. Papæ obitum habenda essent, sed anno dumtaxat Domini 1534. graviter vero se habiturum cum magno vitæ discrimine, unde, ut censebat Astronomus, evadere non posset, an. 1549. Superest ergo, ut ipse quoque Schelhornius adactum se sentiat ad fatendum non ita inanem, ridiculamque esse conficiendarum Geniturarum artem, ac habendam censuit in eo ipso Volumine, prolixam scilicet a pag. 609. ad pag. 619. de argumento illo Observationem instituens, falsusque vel ipsum Melanchthonem insaniam illam insaniisse, indeque in hujus discipulos præsertim Martinum Chemnitium, Hieronymum Wolsium, & omnium maxime Joannem Garcæum propagatam eandem fuisse. Meam istam argumentationem in dilemma modo converto. Aut germana est, aut subdititia Pauli III. Genitura a Schelhornio post Cardanum in medium allata: Si primum, ergo ars ex syderibus præfagiendi minime aspernanda, quam tamen Schelhornius aspernatur, irridetque: Si secundum, ergo commentum pro re certa in odium Pauli Pontificis a Schelhornio Punica fide venditatur, utique quod sua maxime intersit id præstare.

Mea,

Mea, haud diffiteor, plurimi interfuit, Diatribam, quam Tomo tertio Epistolarum Cardinalis Reginaldi Poli jam jam edendo præfixi, concludere, instituta comparatione inter Cardinalis Contareni, & Melanchthonis studia, dum una simul adessent in Comitibus Ratisponensibus, gravissimum componendæ pacis Ecclesiasticæ negotium tractandi causâ, atque ad eam rem allegavi, quæ in loco paulo ante citato Schelhornius in medium protulit, vices miseratus Melanchthonis, suorumque discipulorum, quos scilicet perridicula superstitio dementaverit. Adversus se ipsum testimonium ferret Schelhornius, siquidem suas in argumentum ferret Schelhornius, siquidem suas in argumentum illud Observationes in rem meam vertens ego veritati abrenunciassè dicendus forem. Fateatur ergo ille, cum cura, quam quis adhibeat in lucrifaciendis causæ suæ præfidiis, optime componi posse studium veritatis. Paradoxa lucrifacere, qui aliter sentit, omnium iudicio reputabitur.

XIX. Si ad id, quod Romanæ Sedis interest, fingenda & refingenda esset historia, quam turpiter illa, quæso, adulteranda foret, quam misere truncanda? Imo, ut ex pluribus unicum exemplum afferam, integra sesquifæculi historia prorsus foret supprimenda, ac tenebris plusquam Cimmeriis obfusanda. Certe sæculo decimo, ac sequentis dimidio, plerosque, qui in solium Pontificium elevati erant, monstra potius ex omni spurcitiarum ac scelerum colluvie concreta, quam Ecclesiæ capita & Vicarios Christi nuncupandos esse ipsi fatentur vestræ causæ addictissimi &c. p. 33.

ANIMADVERSIO.

Si id fatentur causæ nostræ addictissimi, & præsertim Cardinalis Baronius, cujus postea recitat la-

mentabiles querimonias Schelhornius, non video, quomodo hujus proposito inserviat exemplum, quod attulit. Romanæ siquidem Sedis intererat sesquisæculi illius maculas eluere, aut contegere, halce tamen Baronius, & alii ei Sedi addictissimi fateri, & propalare non dubitarunt; inde igitur sequitur, exemplo illo, nostrorum Scriptorum potius integritatem, ac sinceritatem, quam vitium, cujus insimulantur, comprobari.

XX. Assatim jam, CARDINALIS EMINENTISSIME, demonstrasse mihi videor, conjecturam TUAM improbabilem omnique fundamento destitutam esse. Nec adeo opus foret, penes intelligentes & æquos rerum arbitros meam sententiam, sua luce (præfiscine dixerim) radiantem pluribus argumentis consolidare. Opinione enim TUA profligata, mea stet inconcussa & irrefragabilis necesse est, cum singulas rationes, quibus aliquem conjecturæ TUÆ colorem inducere allaborasti, satis abunde, nisi me fallant omnia, diluerim. Promissi tamen supra dati memor argumenta jam quædam, sententiæ meæ magis magisque confirmandæ idonea, superpondii loco adjiciam. Et primo quidem intrepide ad ipsa verba Indicis Paulini provoco, testorque magna animi fiducia lectores omnes, rerum gnaros ac extra partium studium positos, num sine aperta vi verbis illata ex eo quod *Liber inscriptus Consilium de emendanda Ecclesia* damnationis nota insigniatur, ulla veritatis specie extundi queat, minime illud ipsum Consilium, sed Sturmii tantum epistolam reprobari. Profecto, si hoc valeret, quidlibet ex quolibet pro lubitu invita veritate facile exsculpi, rebuſque sole meridiano clarioribus caligo offundi posset. Quodli ego, DOMINE, vel de Polo, vel de Paulo III. vel de aliis rationes sic subduxissem meas, quantopere, obsecro, abs TE, idque multum repetitis vicibus (clementer

con-

condona querelam hanc non injustam toties laceffito) vapulassem? de quo forsan alibi erit dicendi locus.

ANIMADVERSIO.

Ne semel quidem superius dixi, verbis illis *Consilium de emendanda Ecclesia*, Sturmi Epistolam reprobata[m] fuisse, sed credi posse affirmavi, seu Sturmianam, seu aliam Germanicam ejus Consilii editionem, quæ per omnium manus vagaretur, in Indice designari potius, quam Romanam; siquidem hanc, quo ipso temporis momento ortum duxit, spissæ adeo tenebræ involverunt, ut eandem in rerum natura exstitisse, conjecturis tantum, nullo autem certo documento allato ostendere opus habuerint vel Sturmius, Vergerius, & alii ferocius adversus Consilium illud animati. *Ignori*, ut fertur, *nulla cupido*; dicam ipse, ignoti nulla censura.

XXI. Pro mea deinde sententia fulcienda facit, quod celeberrimum *Joannis Sturmi* nomen in Indice Paulino & reliquis ad nostrum usque ævum omnibus inter primæ classis hæreticos compareat. Nosti autem, quem titulum in famoso illo Catalogo, Pauli IV. jussu confecto, prima classis præferat: *Autores, quorum libri & scripta omnia, & quacunque sub eorum, vel sub sequacium ipsorum nomine vel cognomine conscripta aut edita sunt, vel in posterum conscribentur, sive edentur, etiamsi nil penitus contra religionem, vel de religione differant, in universum prohibentur.* Quum igitur Sturmius hisce auctoribus sit annumeratus, uno ejus nomine hunc in censum relato, omnia & singula ejus scripta non edita tantum illo tempore, sed etiam posthac divulgata, fuere obelo confixa; neque adeo opus erat, ut ejus epistola sigillatim proscriberetur. Sicuti v. g. Lutheri nostro, viro beatissimo, hanc in classem conjecto, nullum singulare ejus scriptum speciatim damnatur.

ANI.

ANIMADVERSIO.

Huc etiam faciunt, quæ in superiore Animadversione sunt a me dicta. Sturmii Epistola erat germanus ejus fœtus, non ita vero Consilium Novemvirale eidem præmissum. Hoc autem dum principem locum in Sturmii libro obtinere conspicitur, nisi damnasset Pauli IV. Index, facile aliqui in eam persuasionem adducti fuissent, quæcumque ipsi Consilio in illo libro subjungebantur, Sturmianorum Operum censuræ minime subjacere.

XXII. Porro pro me tam Index Pii IV. quam cæteri ad hanc usque diem singuli pugnant, universi enim, ne uno quidem excepto, *Consilium de emendanda Ecclesia*, Sturmii mentione plane non habita, atro carbone notant. Varia autem in Catalogo Pauli IV. mutavisse Patres ad Indicem Tridentinum auspiciis Pii IV. conficiendum deputatos, tum ipsa utriusque collatio docet, tum Franciscus Forerius, Dominicanus ordinis sodalis, iisque a secretis in præfatione memorat &c. p. 35. Nonne & hic aliqua mutatione aut evidentiori indicio fuisset opus, si haud ipsum de emendanda Ecclesia Consilium, sed Sturmii tantum epistolam obelo voluissent transfixam Indicis Tridentini concinnatores? Iis enim innotuisse Vergerii exprobrationem quis ambigat? &c. p. 36.

ANIMADVERSIO.

Quod spectat ad *Consilium de emendanda Ecclesia*, non alia mutatione, aut evidentiori indicio opus fuisse video, quam ejusdem Auctores declarari, siquidem ipsummet Novemvirale in Pauli IV. Indice obelo notatum fuisse, Patres ad Indicem Tridentinum auspiciis Pii IV. conficiendum deputati vere existimasse.

massent. Ea enim declaratio, uti pluribus jam locis monui superius, consona omnino fuisset rationi passim, & ubique usurpatæ, ut quodnam foret idem Consilium innotesceret, neve cum aliis Scriptis confunderetur genericam emendandæ Ecclesiæ nomenclaturam sortitis, cujusmodi aliqua non defuisse, Paulini Indicis conditi ætate, argumentum inde desumitur, quod quotquot olim eum Indicem magna ingenii acie præditi evolverunt, Sarpium præsertim dico, Seckendorffium, Richerium, Lanojum, & nuperrime Kieslingium, nulla prorsus ratione in eodem conspiciere valuerint portentum illud, quo mundum perterrefacere aggressus est primo Vergerius, deinde pauculi hujus ætatis, qui, ut patet, re ad trutinam minime vocata eum calu mniatorem exscripserunt. Patres illi, Tridentini Indicis concinnatores, quibus *innotuisse* (subdit Schelhornius) *Vergerii exprobrationem quis ambigat?* eandem ceu ficulneam sprevisse, & irrasisse dicamus oportet, quandoquidem nullus ex ipsis, & post ipsos nec unus quidem Catholicus Scriptor a Novemvirali Consultatione collaudanda abstinuit, quibus scilicet ejus memorandæ occasio aliqua se præbuerit.

XXIII. In prima classe Indicis Paulini comparet etiam Henricus VIII. Anglus, atque hoc pacto scripta ejus ad unum omnia sunt damnata. Censura igitur ista quoque confixit illius *Affertionem VII. Sacramentorum contra Lutherum*, speciatim ejus libro de captivitate Babylonica A. 1521. oppositam, cujus tamen causa Leo X. illum *defen-*

foris fidei titulo mactatum voluit, in diplomate ad eum A. 1521. V. Id. Oct. dato, & a Cardinalium Collegio subscripto inter cætera invidenda elogia ipsi tributa his verbis usus: &c. pag. 37. 38. In indice Clementis VIII. jussu recognito & publicato Henricus quidem VIII. Anglus in prima compareret, sed in alterius classis appendice hæc leguntur: *Henrici VIII. Angli liber de Sacramentis, quem conscripfit adversus Lutherum, permittitur.* Eadem nota in aliis etiam editionibus ad nostram usque ætatem, quas versavi, omnibus conspicitur.

Quorsum vero hæc, inquires? Nimirum ut isthoc exemplo ostendam, & Indicis Tridenti fabricatores, & reliquos, qui illi recognoscendo augendoque operam sensim navarunt, Consilium de emendanda Ecclesia inter reprobatos libros referendo, Paulum IV. sequutos, ipsum illud Consilium voluisse damnatum, non Sturinii duntaxat *enimvero*, quam si tantum prohibendam censuissent, eam distincte notare, Consilium vero a censura immune præstare par erat.

ANIMADVERSIO.

Merito utique ea nota ad Henrici VIII. nomen locum invenit in recentioribus Indicum Editionibus. Nulla vero in iisdem apposita unquam visitur ad librum inscriptum *Consilium de emendanda Ecclesia*, propterea quod nemini ex Indicum concinnatoribus in mentem venit, eo titulo Articulos Consultationis Novemviralis designari, ipsosque ceu noxios damnari. Ab hac pariter suspicione usque in hodiernum diem Catholici omnes Scriptores longissime abfuerunt, adeo ut Natalis Alexander in Volumine postremo suæ Historiæ Ecclesiasticæ Pauli III. gesta exponens, Articulos illos plene recitaverit, nec tamen Censorum suorum, quos aliquando plus

plus æquo rigidiores experiri sibi visus est, ea recitatione notam ullam sibi promeruit.

XXIV. In elencho librorum prohibitorum, qui præmissus est Bernardi de Sandoval & Roxas Card. & Archiepiscopi Toletani Indici librorum expurgandorum, sæpe tam auctoribus quam libris damnatis quædam adjectæ sunt notulæ, ad lectores monendos, quid prohibitum, quidve permissum velint Censores. En TIBI ex plurimis unum exemplum. In secunda classe lit. R. hæc inter alia habentur: *Reginaldi Poli Cardinalis Britanni pro ecclesiastica unitatis defensione libri quatuor, aliqui catholici, sed habentes simul impressos aliorum libros contra primatum Romani Pontificis, & præfationem Petri Pauli Vergerii, auctoris damnati: Quibus demptis, Reginaldi opus poteris legi & retineri.* In tertia autem classe lit. C. *Consilium de emendanda Ecclesia: Liber sic inscriptus, ne verbulo quidem præterea addito, damnatur.* Nonne si ipsi Consilio nihil derogare voluissent Inquisitores Hispanici, more suo diserte monere debuissent, Sturmii tantum epistolam illi annexam reprobari, hac autem demta Consilium ipsum legi & retineri posse?

ANIMADVERSIO.

Quid opus erat ab Inquisitoribus seu Hispanicis, seu aliis diserte moneri, Consultationem Novemviralem legi, & retineri posse? dum iisdem compertum erat, neminem unquam Catholicorum de ea re dubitasse. Ea autem dubitatio cadere potuit in librum de Unitate Ecclesiastica, siquidem iste Lectores offendisset, qui Schelhornii instar, summum Reginaldi Poli erga felicitatem Henrici Regis sui studium perperam interpretantes, convicia tantum, odiumque Vatinianum in eo libroprehendissent.

XXV. Sed hæc missa faciamus, in causam potius jam inquisituri, quæ Paulum IV. ad prohibendum istud Consilium induxisse videtur. Scilicet eadem ratio huc flectere poterat ejus animum, quæ eum ad tabulas fiduciæ vel instructionem & credentiales, quas appellitant, literas Francisco Cheregato, Aprutensi Episcopo ac Nuncio suo ad comitia Norimbergenfia A. 1523. abituro ab Hadriano VI. Pontifice suggestas, in Indicem damnatorum librorum referendas commovit. In litteræ enim L. tertia classe obelo configitur, quod & in cæteris Indicibus deinde repetitum est, *Lib. inscriptur, Pontificii Oratoris Legatio in conventu Norimbergenfi.* Ferre scilicet æquo animo non poterat Paulus IV. cum successoribus veritati consonam, sed nimis ingenuam, Hadriani confessionem de lurida ac corruptissima ecclesiæ & curiæ Romanæ facie. Ita enim is præter alia: &c. p. 40.

Pariter sincere illas Cardinalium ac Præsulum delectorum confessiones in illo novem-virali Consilio de antecedentium quorundam Pontificum dominatu injusto, de labente imo vero collapsa in præceps Ecclesia Christi, deque abusibus illis & gravissimis morbis, quibus jam pridem & ad desperationem fere salutis ecclesiam ac præsertim Romanam curiam laborare conquesti sunt, quosque vivis partim depinxere coloribus, omnium oculis & Protestantium præcipue exagitationi exponi, res videbatur indigna plane atque intoleranda Paulo IV. arrogantis animi Viro, cujus gloriæ si tam Consilii istius damnationem officere censeas, cum magna ejus deliberationis quondam pars ipsemet fuerit, equidem non repugno. Fortassis præter ejus mentem Consilium illud typis olim excusum est, & in apicrum prolatum, quod celandum potius fuisset, atque inter curiæ arcana habendum, cum præsertim executioni datum haud fuerit.

ANIMADVERSIO.

Paulum IV. eum fuisse Pontificem, qui ferre æquo animo non posset Ecclesiasticam Reformationem

tionem institui, ac propterea præter ejus mentem Consilium Novemvirale olim typis excusum, & in apicum prolatum fuisse, audiret utinam superstes adhuc Launojus! Quantopere ab hoc, *idque multum repetitis vicibus*, vapularet Schelhornius, quin hic petere posset, tantam injuriam illius Pontificis nomini illatam sibi condonari, postquam ipsemet subscripserit Du-Pinio pronuncianti, *Launorum nonnisi illos memoriæ suæ posse inimicos habere, qui præconceptas opiniones suas veritati præferunt*. Evolvat Schelhornius Launoji Operum Volumina, ac in primis bina Epistolarum ejusdem, invenietque Pontificis Pauli IV. merita ad cælum extolli præsertim ex sanctioris Disciplinæ Ecclesiasticæ zelo; unde in Epist. I. ad Joan. Gerasium ita scribit: *Hic autem Pontifex Apostolica Sede dignissimus, recordabatur eorum, quæ cum esset Joannes Petrus Cardinalis Theatinus in Concilio delectorum Cardinalium, & aliorum Prælatorum notaverat, & graviter confixerat. In eo supremi Pontificatus bonor mores, contra quam fieri solet, baud mutaverat.* Et paulo ante verba faciens de Pontificia Consultatione, qua actum fuit de Matrimonii vinculo, hæc habet: *Paulus IV. in hoc celebri Confessu ita se gessit, ut, considerata re, difficile sit, Pontificem reperire sinceriores*. Quis igitur non videt, nonnisi per indignam, & intolerandam impudentiam affirmari posse, librum inscriptum, *Pontificii Oratoris Legatio in Conventu Norimbergensi*, damnatum fuisse in. Pau-

Pauli IV. Indice, quod Pontifex iste Reformationem omnem averfaretur? Noxæ hujus invidia dum Pontificem illum onerat Schelhornius, ipse est, qui *rebus sole meridiano clarioribus caliginem offundit*; dum, præter Pontificis illius mentem, Consilium Novemvirale typis olim excusum fuisse suspicatur, ipse est, qui *quidlibet ex quolibet pro lubitu facile, invita veritate, exculpi posse* demonstrat. Taxat ille Pauli IV. arrogantiam ea in re, qua singularem animi sui moderationem spectandam dedit. Reformationem non ex sola Romani Pontificis voluntate decerni debere existimavit, sed Concilii Generalis jam jam instaurandi autoritate, ac propterea ut ad istud res integra deferretur, ex hominum manibus subductum voluit Hadriani VI. ad Nuncium suum in Conventu Norimbergensi mandatorum libellum. Si æque vero, ac de Legatione illa constat, ipsam fuisse Commentarium, quem Nuntio suo Cheregato Hadrianus VI. tradidit, constaret etiam, Consilium in Indice enunciatum esse ipsum Novemvirale, hujusque Editionem omnem prohiberi, haud immerito censeri deberet, alteram pariter hanc censuram decretam fuisse ea solum de causa, ut omni autoritate Consilium illud destitui, negotiumque Reformationis ad Concilium Generale omnino amandari, Christi fideles perciperent. Hoc autem tantum nomine ambo illi libelli inter vetitos a Paulo IV. repositi nullam ansam Schelhornio, aliisque præberent factum illud

lud criminandi. Porro Regulæ Indicis editæ jussu Synodi Tridentinæ palam faciunt, præter libros Hæreticorum, & cujusvis Authoris Scripta ob hæresis, vel falsi dogmatis suspensionem damnata, adnotari pariter in eodem Indice *libros alio nomine interdictos*. Ea ipsa causa, ex qua Paulus III. decrevit, ut Consultationis Novemviralis libellus supprimeretur, *pour ne pas prevenir le Concile qui devoit travailler a la Reforme*, uti concorditer loquuntur Dupinius, & Fleury, nil mirum, si effecisset, ut idem libellus interdictis accenseretur a Paulo IV.

XXVI. Quam multa autem, fodes, ille Pontifex præterea fecit minus ipsi honorifica, ac personam, quam gerebat, prorsus non decentia, adeo ut ipse Pallavicinus (*) ejus Pontificatum infauftum ingloriumque vocare non dubitaverit. Audiamus modo ne longi simus, unum ex multis testem coævum, vobisque minime suspectum, Onofrium Panvinium, vitæ ejus historiam ita exordientem: *Paulus IV., cui Joanni Petro ante pontificatum nomen erat, quum adhuc esset Cardinalis, pari fuit inter Sacri Ordinis Senatores virtutis ac literarum merito priscis illis atque sanctissimis Christiani ordinis patribus comparandus. Sed & multo quoque antea, quam purpura honorem consequeretur, iisdem veteris christiana disciplina moribus venerabilis, ad urbem simul & ad Vaticanam, adeo ab Hadriano VI. evocatus, supra ceteros fere, qui tum Roma clavi conspiciebantur, sacratos viros semper enituit, ita ut quum jam inde a multis annis omnium esset in admiratione, optimam sanctissimamque sui memoriam relicturus fuisset videretur, ni Pontificatum statim adeptus, parum prudenti Consilio, sumtis ipse armis, excitatisque de novo, quæ refrixerant, inter Christianos Reges bellis, omnibus fere ubique terrarum turbatis, eandem temere corrupisset.* En vero TIBI egre-

(*) In Histor. Concil. Trid. Part. II. Lib. XIII. Cap. XI. num. 12. f. 159.

egregiam imaginem communis Christianorum & sanctissimi Patris, ac Christi, pacis Principis, Vicarii, in postremis verbis graphice depictam! p. 43. 43. 44. 45.

ANIMADVERSIO.

Quoniam optimam, sanctissimamque sui memoriam reliquisset Paulus IV. si ab armis fumen-
dis Pontificatum adeptus abstinuisset, falso igitur eandem obumbrare conatur Schelhornius ex Reformationis odio, quod ei Pontifici impropertavit, quodque per calumniam confectum fuisse vel ipsius testis, quem ille adhibet, dicta perspicue omnino declarant. Id ipsum etiam declarant Constitutiones aliquot a Paulo IV. editæ, quarum enumerationem his verbis Natalis Alexander, ubi agit de eo Pontifice, exorditur: *Totus ad tollendos abusus, quos superiorum temporum negligentia pepererat, incubuit Paulus IV. ut in hac saltem ratione Lutheranorum voces contra Romanam Curiam obloquentium retunderet. Multa igitur summae severitatis Edicta promulgavit, quæ ad mores emendandos pertinerent. Ob eam causam multis invisus fuit.* Dum igitur aversæ a reformanda Ecclesia voluntatis Pontificem istum Schelhornius condemnat, videat, ne hac etiam in re voluntatem Protestantium demonstrat prius animam, quam odium in Romanos Pontifices deponendi.

In Nota ad hunc locum pag. 45. hæc mihi legenda præbuit Schelhornius, *Haud enim id, DOMINE, TUIS in eum (Thuanum) declamationibus penes rerum*

rerum peritos affecutus es, ut fides, atque auctoritas
 historici incomparabilis vacillet. Declamitate igitur
 Schelhornius appellat, rem, de qua agitur, certis-
 simis testimoniis comprobare. Ostensurus ego,
 per injuriam adversus Romanos Pontifices hæc
 scripta fuisse de Henrico VIII. Angliæ Rege a Thua-
 no: *In reliqua vita ita se gessit ille Rex, ut cum, si*
æquiores, & prudentiores Pontifices nactus fuisset,
sponde se subiecturum ipsorum potestati fuisse appare-
ret, & per injuriam pariter alia ista: Princeps omnibus
naturæ donis cumulatissimus, & in quo, si in volupta-
tes solutior non fuisset, nihil merito desiderare posses,
 Sodales meos Regiæ Parisiensis Academiæ in hunc
 modum affatus lum in Epistola ad eisdem data,
 quæ secunda est Decadis quartæ mearum Latinar.
 Epistolar. „Ex hac itaque ad alterum Poli Episto-
 „larum Collectionis Volumen apposita Præfatione
 „vestrum erit, Viri Clarissimi, modo decernere, an
 „im merito, ut ego quidem omnibus viribus con-
 „tendi, Poli nomen in invidiam trahatur ob ani-
 „mum, quem maximopere inensum gessisse ad-
 „versus Regem Henricum passim infimulatur. Id
 „unum peto, ne Jacobi Augusti Thuani, cujus men-
 „tio facta est in postrema ejus Præfationis parte,
 „tanti apud Vos ponderis sit auctoritas, ut ejus testi-
 „monio freti, Henricum labe omni caruisse censea-
 „tis, *si in voluptates solutior non fuisset*, ac propterea
 „Polum ejusdem vitia calamo suo carpentem, mo-
 „dum, & fines transiisse. Integerrimum, religiosif-
 K „simum-

„simumque Henrici morum testem potius audite
 „Jacobum Bossuetum, Meldensem Episcopum, qui
 „lib. VII. Operis *Histoire des Variations &c.* in ejus-
 „dem Gestis nil magis agnoscit, quam *le comble de*
 „*la cruauté, & de la tyrannie.* Audite vel ipsum An-
 „glicani Schismatis præconem Gilbertum Burne-
 „tium, qui tamen de Henrico ita scribere non du-
 „bitavit: *Il donna l'exemple pernicieux de souler au*
 „*pieds la justice, & d'opprimer l'innocence la plus*
 „*manifeste;* idemque gravissima alia ejusdem scelera
 „detestatus, his verbis elogium concludit: *Ce sont là*
 „*des taches si odieuses qu'un bonneste homme ne scau-*
 „*roit l'en excuser.* Atqui unam tantum in Henrico
 „maculam notavit Thuanus, proclivitatem scilicet
 „ad voluptates, animumque ei ita salubribus mo-
 „nitis morigerum accommodavit, ut confidenter
 „prodiderit, Anglicani Schismatis culpam non illi,
 „sed Romanis Pontificibus essetribuendam. Quid
 „vero! quum is ipse nec etiam pepercerit Francisci
 „I. Galliarum Regis nomini, cui nimirum insignem
 „contumeliam intulisse dicendus est instituta inter
 „ipsum, & Henrici mores comparatione in hunc
 „modum: *Accedebat ad hæc morum, & nature tam*
 „*conspirans similitudo, quanquam in fortuna dispari,*
 „*ut nulla inter duos Principes, vel temporum quovis*
 „*intervallo disparatos, major usquam commemorari*
 „*possit.* Regem illum vestrum & candore animi, &
 „clementia, & pietate nullum habuisse parem inter
 „Principes, Jovius, & Historici plerique omnes eo-
 „rum

rum temporum testantur. An non ab iis dotibus
 immensum aberat Henricus? Thuani certe com-
 parationi illi haudquaquam assentiri censendus est
 Joachimus Abbas le Grand, Scriptor Nationi ve-
 stræ, quin & ipsis Aulæ Primatibus (horum aliqui
 adhuc in vivis degunt) commendatissimus, T. II.
 lib. *Histoire du Divorce &c.* ita scribens: *Francois I.*
aimoit Henry; mais Henry vain, ourgueilleux, &
plein de caprice au dernier point, n'aimoit rien; præ-
 terquam quod toto illo Opere Henrici vitia in-
 statur, eaque promeruisse affirmat (imo demon-
 strat ex Gallicorum Legatorum literis) ut idem
 Franciscus de armis adversus eundem cum Carolo
 Cæsare jungendis serio cogitaverit, ex initis inter
 utrumque Principem, & Paulum III. consiliis.
 Si hujuscemodi testimonia fideliter recitasse, decla-
 mare est, quemadmodum censet Schelhornius, pa-
 rem, ut video, sententiam feret de meis omnibus ad
 Epistolam suam Animadversionibus hisce, ac pro-
 inde (quod valde mihi dolebit) ad fluctus decla-
 mæsse comperiar.

XXVII. Sed jam tandem receptui cano. Satis enim in
 hac arena, nec, nisi augurium me fallit, infelicitè a me
 depugnatum est. Duo tamen sunt, quæ *iniquè* loco an-
 nectere juvat. Unum spectat ad Pauli IV. Indicem, alte-
 rum ad epistolam Sturmii.

Inter eos, quibus illius Indicis conficiendi provincia a
 Paulo IV. demandata erat, fuit Christophorus Patavinus,
 generalis Ordinis Eremitarum gubernator, qui id ipse in
 Synodo Tridentina affirmavit (*), asserens simul, id negotii

K 2

pæra-

(*) Vid. Sfort. Pallavicini Hist. Concil. Trid. Par. II. cap. XVI. n. n. 9. f. 157.

peractum fuisse exquisita diligentia, extractis e Vaticana Bibliotheca voluminibus, inspectis aliarum regionum indicibus, divisaque rei cura inter plurium religiosorum ordinum theologos. Franciscus quoque Forerius, cujus verba supra recitavimus, in præfatione Tridentino Indici præmissa, eum magna cum maturitate a multis viris doctis compositum esse pronuntiat. Quam vero negligenter illi spartam ornarint suam, clamitant errores, lique partim satis crassi in eo indice conspiciunt, quorum nonnulla dabimus exempla, ne partium studio hæc tantum pronuntiasse videamur. &c. p. 46. 47. 48.

ANIMADVERSIO.

Jam animo meo divinaveram, ut superius ex pag. 10. plane constat, commendatam a Schelhornio Pauli IV. in construendo suo Indice sagacitatem eundem inficias iturum, ut primo causæ suæ commodum ita postulasset. En igitur quomodo in præfens, ut Indici eidem contumeliam faciat, vel ad syllabas, vel ad literulas aucupandas devolvitur. Quid ego ad aucupium illud reponam? nec enim ad concertationis nostræ argumentum spectant hujusmodi tricæ. Meas vices Catullo delegabo. Hujus Epigramma ante quadraginta & amplius annos memoriæ meæ mandatum, eadem repente, nescio quo pacto, mihi obtulit, statim ac misellam illam Schelhornii farraginem perlegi.

Chommoda dicebat, si quando commoda velles

Dicere, & hinfidias Arrius infidias.

Es tum mirifice sperabat se esse locutum,

Cum, quantum poterat, dixerat hinfidias.

Credo sic mater, sic Liber avunculus ejus,

Sic

*Sic maternus avus dixerit, atque avia.
 Hoc misso in Syriam, requierant omnibus aures,
 Audibant eadem hæc leniter & leviter.
 Nec sibi postilla metuebant talia verba,
 Cum subito affertur nuntius horribilis:
 Ionios fluctus, postquam illuc Arrius isset,
 Jam non Ionios esse, sed Hionios.*

Æqui bonique consulet Schelhornius Poeticæ huic
 festivitati aditum hic a me factum fuisse, ut ea res-
 ponderet quadantenus Carmini illi (*), quod ab ipso
 subjunctum visitur in Nota ad num. proxime præ-
 vium

(*) Opuscula (Crossi) poetica prodire Ferrariæ A. 1564. in 8. Epigrammata
 autem illa tria leguntur Farraginum Lib. I. p. 125. & 127. ac Lib. II.
 p. 149. Habetur vero ibidem p. 144. carmen ad QUIRINUM, unum,
 haud dubie ex gloriosis TUIS majoribus, cujus in TE, DOMINE:
 generosus sanguis stillat, quod hic repetere jucundissimum mihi est

*Inconscusso animo est tibi, QUIRINE,
 Virtus tam ardua, tamque singularis;
 Eidemque animo est tibi, QUIRINE,
 Tantum æqui ac fidei; tam eodem inane,
 Tam iniquum fugit; impium tam abhorret,
 Quirini ut Chariter, Quirinum ut ipsum
 Fundatorem hominum potentiorum
 Ubique trabentum, ubique justum
 Ostentes facie, ore, spirituque:
 Træ se fers modo, non modo Quirinum
 QUIRINE optime, moribus sed istis
 Ancæ, Fabricioque, Nestoraque,
 Divinumque Numam, & parem Catonem;
 Aut si sanctius est Numa & Catone.
 His motus animi bonis, meaque
 Confusus pietate, te oro supplex
 Germano ut juveni, ut seni parem
 (Nam alter spes anima mea, altera alter)
 Feras suppetias, & innocentes
 Dexterâ tuearis impotentes,
 Sic vivas numerum Lapsisse arenâ
 Charus omnibus, omnibus cupitus,
 Et sero venias in astra felix!*

Quod extremum votum etiam pro TE, QUIRINE EMINENTIS-
 SIME, ex animo facio.

vium, scilicet p. 44. Epistolæ suæ, quodque Viri Clariss. non erga me tantum, sed erga etiam familiæ meæ nomen testatur comitatem. Hæc tamen si a me non impetraverit, ut causas adversus eundem susceptas mollius sustineam, id ipsarum naturæ tribui velim, potius quam ingenio meo duro, & acerbato. Archiepiscopus quoque Firmianus in concertatione, quam cum ipso habui de Festis diebus, familiæ meæ honestandæ veteres aliquot memorias ex ejus Urbis tabulariis depromptit, nec tamen propterea leviori brachio novitatem, quæ ipsi arriherat, insequi, & oppugnare perrexi. Kieslingius pariter quam liberaliter laudes in me, quod spectat etiam ad sacrorum munerum, quæ obo, administrationes, profuderit, norunt omnes, qui mutuas nostras lucubrationes perlegerint, iique intellexerunt, haud proinde minus acriter stylum meum infectandis ejus dictis incubuisse.

XXVIII. Restat, ut polliciti conscius de singulari epistolæ Sturmianæ fortuna exponam, idque ipsis auctoris verbis. Ita autem ille (*): *Jacobi Andrea librum, quem mihi antecanam heri misisti, Ludovico Grempio, simulac canatus essem, mihi recitari jussi. Rogas fortasse, ut dormiverim. Sane placide & suaviter: usque ad secundam post noctem mediam. Exordium epistolæ, cum mihi in mentem veniret vigilanti, illius temporis mihi memoriam renovavit, quo rogatu Bucerii scripsi contra Concilium delectorum Cardinalium. Inscriptio libri mei erat, ut opinor: Concilium Cardinalium: & huic*

(*) In Epistola apologetica contra Jacobum Andrea, D. Ludovico Grempio a Freudenstein, JCo Argentoratensi, inscripta, atque Neustadti in Palatinatu ex officina Matthæi Harnisch A. 1581, in 4 edita. p. 3. seq.

huic subjectus alter titulus: De eadem re Joannis Sturmii Epistola. Quoniam scripsi: De eadem re, & non, contra eandem rem: Putavit Malardus Theologus Sorbonista, me adhuc amicum esse, ut ipsi arbitrabantur. Usus enim erat biennio ante mea opera, cum paraphrasim in Epistolam Pauli ad Romanos ederet.

Quoad enim potui, partitus eram ei breviter illius Epistola ordinem, cum rhetorica quadam observatione.

Ergo prima face noctis, cum librarius huic Malardo hanc Epistolam ex autumnalibus nundinis Francosurtenfibus allatam, probandi causa, attulisset, permisit, ut venderetur. Commodum accidit, ut ea illam nocte non legeret, & die postero disputaturus esset in Sorbona. Scis autem, consuetudinem esse, ut a quarta antemeridiana sepe usque ad quintam pomeridianam hujusmodi disputationes amplientur.

Reversus autem a disputatione sibi recitari cenanti jussit epistolam meam. Ubi vero intellexit, me alium esse in illo scripto, quam putarat, confestim ad librarium mittit; jussit omnia exemplaria ad se deportari. Cum ille respondisset, omnia distracta ac vendita esse, indignabatur. Adduxerat autem Francosordia ille librarius secum trecenta, ut commemorabat, exemplaria.

ANIMADVERSIO.

Duo sunt in hac narratione, quæ superius a me traditis lucem affundunt, atque ipsa confirmant. Primo, Consultationem Novemviralem a Sturmio enunciari his verbis *Consilium Cardinalium*, quæ sola, sæpius affirmavi, ut Consilium illud a quocumque alio Consilio ad Ecclesiam emendandam conscripto discerni valeat, efficiunt. Deinde, Consultationem illam, Sturmii Epistolæ de eadem præmissam, Theologum Sorbonistam ad credendum adduxisse, Sturmii libellus utramque complexus nihil ve-

vetare, quominus Parisiis distraheretur; nil ergo mirum, si ad parem errorem arcendum Paulinus Index Consilium illud notasset, unde omnes intelligerent, nullo pacto librum illum legi, seu retineri posse. Duo igitur ista palam faciunt, haudquaquam constare, Consilium in Indice notatum, esse Novemvirale; nec etiam (siquidem istud constaret) pro certo haberi posse, Sturmii libris omnibus in Indice, solo ejusdem nomine recitato satis superque reprobatis, nullam causam adfuisse, ob quam facta ab ipso ejus Consilii Editio, quæ statim non Germaniam tantum, & Italiam, sed Galliam etiam pervaserat, in eodem Indice damneretur. Cur vero in eo Consilium unice designaretur, verosimiliter in causa fuit, quod ipsum multo insignius, quam Epistola eidem subjuncta, in Sturmiani libelli titulo eluceret. Pari modo, quod Vergeriana libri de Unitate Ecclesiastica Editio præcipue spectandum exhibeat ipsum Poli Opus, hujus titulo tantum descripto Editio illa, ut jam dixi, quod notissima olim foret, statim percipi valuit.

XXIX. Arbitror, & TIBI, DOMINE, & lectoribus meis rem me præstiturum haud ingratam, si eam Sturmii Epistolam, rarissimam pariter atque elegantissimam, huic meæ subjecero, pretiosissimam panno subtextam hoc pacto exhibiturus purpuram. Alteri autem meæ dissertationi epistolari subungere animus est tam literas, facundas quidem, sed satis breves, a Cardin. Sadoletto ipsi repositas, quam iteratam Sturmii responsum, cui non habebat Sadoletus, quod amplius opponeret.

ANI-

ANIMADVERSIO.

Utinam & ipse arbitrari possem, Schelhornio non ingratum futurum Cardinalis Poli de Sturmiana illa Epistola iudicium, quod statim subdo ex ejus literis ad Cochlaeum: *Adversus Sturmium librum tuum legi, in quo inanem illius verborum strepitum solida sensuum veritate facile comprimis, qui mihi visus est ob hoc solum quod loqui didicerit, ut idem aliis ostenderet, quantum in verborum delictu, & illorum conjunctione profecerat, magis quam alia de causa, illud sibi argumentum scribendi sumpsisse; in quo certe, si iudicio, pietate, & doctrina valuisset, debuisset potius pios conatus laudare, quam vituperare, quia ejus iudicio non usquequaque satisfecissent; sin id minus a se impetrare potuit, saltem non hanc dignam causam putare, in qua eloquentiae suae vires omnes exerceret, nisi forte declamandi causa.*

XXX. Nihil nunc superest, quam ut TE, cujus in laudatissima humanitate unicum mihi repositum est solatium, ea, qua par est, observantia rogitem, velis, quæ hactenus Tecum disputavi, æqui bonique consulere, memor, me nonnisi invitum atque Tuo imperio compulsum in hanc Tecum arenam descendisse. Ita vale, CARDINALIUM EMINENTISSIME, atque omni prosperitatis genere cumulatus rei literariæ bono ac Italiæ TUÆ ornameto diu vige. Scribebam Memmingæ, A.R.S. MDCCXLVII. d. XV. Sept.

ANIMADVERSIO.

Unum vicissim superesse ipse dixero, ut videlicet animo a præconceptis opinionibus vacuo, ac solius veritatis assequendæ sollicito, allatas huc usque a me

L

Ani-

Animadversiones Schelhornius perpendat, indeque ipsum pudeat ingentis solitudinis, quam circa ipsum esse demonstravi, dum Sleidani, Sarpaii, Curayeri, Seckendorffii, Richerii, Launoii, Kieslingii, quorquot nimirum plenius de Consultatione Novemvirali egerunt, illud ipse argumentum pertractans, societatem refugisse comperitur; addam etiam Alexandri, Dupinii, & Fleury, seu hujus Continuatoris. Tantorum census Scriptorum profecto merebatur, ne eorum auctoritas a Schelhornio flocci fieret, quo famosi pudoris Scriptori, Vergerio scilicet, homini, uti illum Seckendorffius nominat, versatili, seu, ut ego dicam, dolos tantum, & nefas suo in pectore, suisque in scriptis versanti, adhæreret. Ei autem choro ceu imperitantem induxi Sleidanum, quod in suæ Historiæ libro XII. quæ spectant ad Consultationem Novemviralem edisserens, eandem ab aliquo, donec ipse vixit, Romano Pontifice damnatam fuisse nec ibi affirmaverit, nec ullibi; non vero quod ipse pariter, æque ac reliqui, quos ei socios dedi, seu Vergeriana scripta, seu Pauli IV. Indicem illustrare potuerit, quippe qui anno 1556. decessit. Quare quæ de eodem pag. 12. scripsi, non aliam vim habere profiteor, quam juxta a me tradita in Præfatione. In Sleidani, si opus sit, locum subire modo faciam Jacobum Augustum Thuanum, qui post collaudatas in Paulo IV. dum adhuc Cardinalis esset, morum gravitatem, doctrinæ præstantiam, eloquentiam, & in dicenda sententia libertatem, de-

co

eo Pontificatum adepto ita subdens, *Severitas illa, ex qua emendationem in Ecclesiastica disciplina quidam sperabant, plerique verebantur, cito in superbiam vertit*, abstinuit tamen (quod valde ad rem suam faciebat) indicare, eum Pontificem veritorum librorum elencho inferere non dubitasse illam ipsam emendationem, quam Cardinalis una cum aliis ad eam rem a Paulo III. adhibitis in scripta redegerat.

Tandem vero in medium afferam Danielem Francum, cujus certe oculis, si non ipse Pauli IV. Index, Romani alii illum complectentes patuerunt. Adest inter merces Germanicas, quibus instruitur mea Bibliotheca, *Danielis Franci disquisitio Academica de Papistarum Indicibus librorum prohibitorum & expurgandorum, in qua de numero, Auctoribus, occasione, contentis, fine, damnis, & jure Indicum illorum differitur. Lipsiæ an. MDCLXXXIV.* Vel solus hujus libri titulus abunde explicat, in omnem se se partem vertisse, & cujusvis generis machinas adhibuisse ejus Auctorem, quo sodalibus suis Romanorum Indicium horrorem incutiat, detectis abominandis flagitiis, quibus hi scatent. Hæc inter nullum locum assignari ab eodem Vergerianæ accusationi de damnata per Indicem Pauli IV. Consultatione Novemvirali, etiam me tacente, quam valide evertat Schelhornii de ea damnatione seu conjecturas, seu hariolationes, imo captiones, Lector intelligis, præsertim postquam noveris, Danielem Francum ex ipsius Schelhornii T. VIII. Amœn. Liter. p. 343. testimonio

curate , & diligenter Opus illud confecisse.

Ad parem laudem meis hisce Animadversionibus impertiendam ut Schelhornius , cui profecto & plurimas inesse literas , easque non vulgares , & præterea ingenii aciem admodum raram , in dubium nemo revocaverit , tandem adducatur , sperandi ansam mihi præbet Epistola , quam , dum ista a me scribuntur , Venetiis accipio , nam in illa hæc habentur: *Sembrami impossibile , che i Protestanti medesimi , e lo stesso Scellbornio , il quale si dimostra provveduto di molte cognizioni , e di sottigliezza , non abbia a vedere il torto della causa che sostengono , messo dall' E. V. nell' ultima possibile evidenza. Anche ne' due ultimi fogli , che ricevo , felicemente si combatte l' Avversario , che viene validamente impugnato coll' armi proprie , e si disarmo di ogni prova in contrario.* Spem illam meam augent literæ jam jam ad me delatæ Tigurina ipsa ab urbe , cujus præla in lucem emilerunt Schelhornii lucubrationem huc usque a me refutatam . Earum initium ita se habet: *Nous avons eu l'honneur de recevoir les feuilles de la lettre de Scellborn avec les Annotations, & la Refutation de vôtre Eminence. Certainement Scellborn a grand tort à en juger par ce que nous y avons lu. Et vôtre Eminence a pris le meilleure maniere de le refuter , & nous sommes tres curieux de ce qu'en dira Scellborn. En attendant nous avons remis ces trois feuilles a celui qui en pourra faire la Relation , si bon lui semble , a Scellborn.*

Hæc,

Hæc, & alia doctorum Virorum testimonia ex eorundem Epistolis superius recitata, præterquam quod ipse Schelhornius me invitavit, exstimulavitque, ut ea in medium afferrem, non video; quomodo prætermittenda a me forent, dum validum causæ meæ adminiculum, ac firmamentum suppeditant. Licuit, semperque licebit, testes sententiæ suæ faventes adhibere, vades constituere, sapientes adire. Hi autem an in vivis degant, an e vivis abierint, nullo discrimine habebis. Ultro dabo, solidis argumentis pugnandum esse invicem; at ipsa, eorundem Virorum judicio pro invictis habita, novum inde robur desumere, nemo erit, qui inficietur. Ultro dabo, abstinendum esse in literariis controversiis ab aculeatis cavillationibus, ab irrisionibus, a dictariis; hæcque non semper esse bonæ causæ indicia. At suffragia, quæ nobis victoriam adjudicent, silentio a nobis premi oportere, si quis existimet, is profecto in negotiorum suorum gestione se perquam exiguum sapere ostendit. Silentium vero illud si Adversarius ipse pro ineundæ pugnæ conditione deposcat, hominum judicia, quavis abundant doctrina, quacunque floreat exultatione, despiciens, iste Achillem alterum se facit, quippe qui ingenio suo *nihil non arroget*. Ferociam hujusmodi quod oderim ego, atque arceam, uti Virorum, quorum dicta laudavi, favorem mihi non defuisse valde lætor, ita tuum etiam, æque, ac Catholice Lector, requiro. Vale.

CLAU-

Ignorabat, ut certo credo, Schelhornius, dum suam Epistolam conscriberet, mearum partium fuisse Pauli IV. Indicem a Vergeriana calumnia vindicare, non ea tantum de causa, quod tradita a me de argumento, ad quod illa refertur, in aliis lucubrationibus, defendere, imo fulcire adactum me senserim, sed præterea ex Magistratu, quem gero. *Splendidam*, memorat ille Epist. suæ pag. 49. *Cardinalium, & Consultorum pro Indice librorum prohibitorum amplificando Congregationem Romæ institutam*; at nullum in tota ea Epistola, nec etiam alibi, verbum fecisse comperitur de Præfectura ejusdem Congregationis mihi jamdiu demandata. Id autem dum hoc loco a me monitus intelliget ita se habere, statim, velim, animadvertat, eo munere in præsens fungentem, de Indice illo non quidem augendo, sed minuendo sollicitum se in hac Opella præbuisse. Etenim descriptum in eo libellum hoc titulo, *Consilium de emendanda Ecclesia*, demonstrare suscepi, aut non esse sanctissimam Novemviralem Consultationem jussu Pauli III. confectam; aut si ista sit, eam tantum esse, quam Germanicæ nonnullæ Editiones, Sturtmiana præsertim, publicarunt; aut tandem, si cujusvis generis Editiones ejusdem intelligi deberent in Indice prohibita, hanc notam non ad ipsius Consultationis articulos, ceu noxios, percutiendos trahi posse, sed dumtaxat ad inhibendum, ne Pontificia autoritas ipsis inesse censeretur; quandoquidem jam

jam Romæ statutum fuerat, Reformationis materiam iisdem comprehensam Concilii jamjam cogendi sanctionibus subjiciendam fore, ut Præsulū omnium nationum consensu præscriberetur, potiusquam ex sola Romani Pontificis voluntate.

Intelligat insuper idem Schelhornius, ac pro certo habeat, per ejusdem Congregationis Præfectum nil ob stare, quominus exiguæ seu literularum, seu syllabarum minutia, quas ille superius adnotavit, inter *Errata Corrige* Romani Indicis, sedem aliquando nanciscantur. Plures libros in Pauli IV. Indice proscriptos, minime comparere in Pii IV. Indice, idem Schelhornius compertum probe habet, pariterque in Indice Clementis VIII. jussu recognito, & publicato, inter Hæreticos quidem primæ Classis Henricum VIII. cenferi, sed in alterius Classis appendice hæc legi: *Henrici VIII. Angli liber de Sacramentis, quem conscripsit adversus Lutherum, permittitur*. Nulla igitur dubitandi ratio, levioribus etiam mutationibus locum in ipso Indice patere in posterum posse. Leves autem omnino reputandas quotquot Schelhornius dinumeravit, earundem elenchus, quem statim subdo, apertum faciet.

In lit. A. *Alexander Alexius Scotus*. Cor. *Alefsus*. *Andreas Bondestein Carolostradius*. Cor. *Bodenstein*. *Arstius Schoffer*. Cor. *Schofer*. In lit. B. *Bilbaldus Irkaimerus*. Cor. *Pirkaimerus*. *Brunonis Heidelii*. Cor. *Seidelii*. In lit. C. *Caspar Pecucerus Budissius*. Cor. *Peucerus*. *Catechismus Tubicen.* Cor. *Tubingenfis*. In lit. D. *Disputatio Bandensis seu Bardensis*. Cor. *Bandensis*. *Disputatio Lypfica inter Martinum & Erasimum seu Emserum*. Cor. *Eccium*. In lit. E. *Erasmus Orvaldus Schrechtenfuchsius*. Cor. *Schreckenfuchsius*. *Evangelium Pasalli*. Cor. *Pasquilli*. In lit. F. *Franciscus Lambertus*, & *Franciscus Lamperti*. Delend. In lit. G. *Georgius Parlerer*. Cor. *Besserer*. In lit. H. *Hermannus Kielvvick*. Cor. *Risvvick*. In lit. I. *Jacobus Kungius*. Cor. *Rungius*. *Joannes Campanus* sive *Campenfis*. Delend.

lendl. Joannes Vannius. Cor. Valentinus. Josias Similerus. Cor. Simlerus; Justus Velsius. Cor. Velsius. In lit. K. Knopper Deilingius. Cor. Knipperdolling. In lit. M. Marcus Tilemanus Hespius. Delend. Matthæus qui & Alartius Schoffer. Cor. Arsatius Scofer. Memnon Simon. Cor. Menno. Murnerus. Delend. In lit. N. Nicolaus de Pelhrzimouu. Delen. I. Nicolaus Selveccerus. Cor. Selneccerus. In lit. P. Paulus Commodus Britannus. Cor. Bretanus. Petrus Similerus. Cor. Simlerus. Petrus Pomeranus. Cor. Pomeranus. In lit. R. Reformatio Ecclesie Coronen. Cor. Colonienfis. In lit. S. Synetama Suevicum. Cor. Syngramma.

Quod superius dixerim, me haud repugnaturum, quominus minutula ista locum inveniant, debito utique examine præmissò, inter *Errata Corrige* Romanorum Indicum, id profecto hodierni *splendide* illius *Congregationis* Præfecti facilitatem Schelhornio commendabit. Eam ipsam eidem satis me probasse profiteor, dum nullam superius quæstionem movi de relata in Pauli IV. Indicem tradita ab Hadriano VI. *Instructio* suo ad Conventum Norimbergensem ablegato. Fas enim mihi fuisset contendere, non libellum illum seorsim sumptum, sed scripta de ea Norimbergensi Legatione, verbis istis Indicis designari, *Libre inscriptus, Pontificii Oratoris Legatio in Conventu Norimbergensi*. Equidem novimus, Sarpio etiam referente, *Che fatto il Recesso di Norimberga su poco dopo ogni cosa stampata, così il Breve del Papa, come l'Istruzione del Nuncio, le risposte, e le repliche con li cento gravami furono divulgate per Germania, e di là passarono ad altri luoghi, & anco a Roma*. Scripta omnia ista in libro, *Fasciculus rerum expetendarum, & fugiendarum*, exhibentur. Horum ergo collectio satis commode accipi posset pro libello, de quo in Indice. Iterum vale.

Brixia die 1X. Decembris MDCCXLII.